




宗親部九

孫 女 子 婿



爾雅曰子之子為孫孫之子為曾孫曾孫之子為玄孫玄

孫之子為來孫言有往來之親來孫之子為昆孫昆後昆孫之子

為仍孫仍重也仍孫之子為雲孫言輕遠也若淨雲

毛詩文王有聲曰貽厥孫謀以燕翼子

禮記曲禮曰君子抱孫不抱子此言孫可以為王父尸以孫

與祖昭穆同也子不可以為父尸

雜記曰祭稱孝子孝孫喪稱哀子哀孫

太平御覽 卷五百九十一

史記曰張蒼父不滿五尺蒼長八尺蒼子復長八尺餘孫

類長六尺

後漢書曰龐參字仲連緱氏人拜漢陽太守郡民任棠有

奇節隱教參至先候之棠不與言但拔薤一大本水一盆

致于屏前自抱孫兒伏于戶下見邕明郡

又曰虞詡字升卿陳國人孝養祖母縣舉為順孫

又曰馮氏兄弟形皆偉壯唯馮郡祖父偃長不滿七尺恥

短陋恐子孫似之乃為子娶長伉生勤勤長八尺三寸

魏志曰王粲字仲宣山陽人蔡邕見而奇之時邕顯貴車

馬填門粲在門邕倒屣迎之粲年幼貌弱短小一座皆驚

邕曰此王公之孫有才吾不如也吾家有書籍當悉與之

晉書曰張憑字長宗祖鎮蒼梧太守憑年數歲鎮謂其父曰我不如汝有佳兒憑曰阿翁詎宜以子戲父乎

又曰李密字令伯父早亡母改醮祖母劉氏躬撫養密奉事以孝謹聞有暇卽講學忘疲師事醮周周門人方之游夏大始初徵爲洗馬密以祖母年老上表自陳曰母孫二人更相爲命

已具祖門中

又曰李胤字伯祖敏爲公孫度所迫浮海莫知所終子娶妻生胤遂絕房內以憂卒胤以祖不知所亡設木主以事之由是顯名

宋齊語錄曰虞愿字士宗會稽人祖爲給事中庭中有橘樹冬熟子孫爭取愿獨不取祖及家人並異之

太平御覽

卷五百十九

二

又曰張元自孝始祖喪明三年元每憂涕讀佛書以求福祐後見藥師經云盲者得視遂請七僧燃燈七日七夜轉藥師經行道每自責曰爲孫不孝使祖喪明今以燈施普照法界願祖目見明元求代暗其夜夢一老人以金鑱治其祖目謂之曰憂悲三日之後必差元於夢中喜躍驚覺乃遍告家人居三日祖目果漸見明從此遂差

後周書曰薛登字景猷汾陰人早喪父家貧躬耕以養祖母暇則覽文籍以孝見稱

列子曰北山愚公者年且九十面山而居懲北山之寒出入之迂也遂率子孫荷擔扣石墾壤箕畚運於北海之尾河曲智叟笑而止之愚公太息曰雖我之死有子在焉子

又生孫孫又生子子又生孫孫孫子子無窮匱也而山不加增何患不平河曲智叟無以應之

又曰舜問平丞曰道可得而有乎夫道性命非汝有也是天地之委順也子孫非汝有也是天地之委蛻也

陳留志曰范喬字伯孫年二歲祖父馨臨終執其手曰恨不見汝成人因以所用硯留與之後家人告喬喬執其硯涕泣

孝子傳曰原穀者不知何許人祖年老父母厭患之意欲棄之穀年十五涕泣苦諫父母不從乃作輿昇棄之穀乃隨收輿歸父謂之曰爾焉用此凶具穀乃曰恐後父老不能更作是以取之耳父感悟愧懼乃載祖歸侍養克已自太平御覽 卷五百十九 三 責更成純孝穀爲純孫

又曰吳郡陸仲元者晉太尉玩曾孫自玩至仲四世爲侍中時人方之金張二族

幽明錄曰許遜少孤不識祖墓傾心所感忽見祖語曰我死三十餘年於今得正塋是汝孝悌之至因舉標榜曰可
以此下求我於是迎喪塋者曰此墓中當出一侯及小孫
長遂封

女

禮記內則曰女子出門必擁蔽其面夜行以燭無燭則止

女子十年不出

恒居內也

姆教婉晚聽從

婉謂言語也言婉之言媚也媚謂容貌也

執麻枲治絲繭織紉紃學女事以供衣服觀於祭祀納

酒漿籩豆俎醢醴相助奠

當是女時而知

十有五年而笄二十而

嫁凡女拜上右手

右陰也

左傳襄五年曰初宋芮司徒生女子赤而毛棄諸堤下恭姬之妾取以入長而美名之曰棄

穀梁傳曰禮送女父不下堂母不出父戒之曰謹慎從汝舅之言母誡之曰謹慎從汝姑之言諸母申誡之曰謹慎從汝父母之言無違宮事

史記曰齊太倉令淳于公有罪當刑詔徒繫長安獄公無男有五女將行罵曰生女不生男緩急非有益小女緹縈隨父至長安上書曰妾父爲吏齊中皆稱其廉平今坐法當刑妾悲夫死者不可復生斷者不可復續願入官沒爲太平御覽

卷一百一十九

四

婢續父之罪書奏天子悲憐其意遂爲除肉刑

漢書曰王章爲京兆尹爲大將軍王鳳所陷下廷尉獄妻子女皆收章小女年十二夜起號哭曰每旦獄吏呼囚常至九今八而止我家君素剛烈先死者必我家君也及明問之果章死矣

東觀漢記曰孝女郁字叔異五歲母不能食郁亦不肯食故字曰異也

後漢書曰孔蝠被誅女年七歲幼弱遂得全寄住他舍主人有遺肉汁令飲之女曰今日之過豈得久活何賴肉味乎或有言於曹操收之將殺女謂兄曰若死而有知得見父母豈非志願乃延頸就刑

晉書曰周顛字伯仁母李氏名絡秀汝南人少時在室父後爲安東將軍時常出獵遇雨而至絡秀之家會秀父兄不在絡秀見周俊至與一婢於內宰猪具十人饌盛精而不聞人聲俊怪使覘之獨見一女甚美因求爲妾其父兄不許絡秀曰門戶殄瘁何惜一女若連貴族將來庶有大益父兄遂許之主顛嵩謨而顛等才長絡秀謂之曰我屈節爲汝家妾門戶計耳汝不與我家爲親吾亦何惜餘年顛等從命由李氏遂得爲方雅之族

又曰胡奮字玄成安定人爲護軍太始末武帝怠於政事而耽於顏色大採公卿女以爲六宮奮女選爲貴人唯有
一男爲南陽王女早亡及聞女爲貴人哭曰老奴不死唯
太平御覽 卷五百十九 五
有二子男入九地之下女登九天之上嘗謂后父楊駿曰
卿恃女更豪耶見前代與帝家婚未有不滅門者見君所
措益速耦耳駿曰卿女不在天子家乎奮曰我女爲卿女
妾耳

又曰羊耽妻辛氏字憲英魏侍中辛毘之女也聰明有才
鑒初文帝爲太子抱毘項曰知我喜否毘以告憲英英曰
太子代君王社稷者也代君不可以不憂王國不可以不
懼今宜感而反喜何以能久魏其不昌乎

又曰愍懷太子妃太慰王衍之女字惠風因太子衍絕婚
而歸惠風號泣行路流涕後劉曜陷洛陽以惠風賜其下
將妻之惠風拔劍拒曰吾太尉之女太子之妃誓不爲逆

胡所辱遂害之

又曰韋逞母宗氏世家儒學母早喪父躬養之及長授以周官音義謂曰世傳儒業無男可傳汝宜授之勿令絕世又曰吳隱之字處默濮陽人謝石請爲將軍主簿隱之將嫁女石知其素儉令移尉厨帳就其家經營使者至方見賣犬此外蕭然無辨

又曰靳康女不知何許人美姿容有志操劉曜誅靳氏訖將納其女爲妾女曰陛下旣誅其父母焉用妾爲妾聞逆人之誅也尙滂宮伐樹况其子女乎號泣請死曜慙乃因免之

晏子春秋曰齊景公有所愛槐樹令吏守之犯槐者刑傷

太平御覽

卷五百十九

五

槐者死有不聞令而犯之者吏收之將加之刑犯者女說晏子曰妾聞明君不爲禽獸以殺人今吾君以樹木之故殺妾父孤妾身恐害明君之政損明君之義晏子早朝而復其言於君公乃令吏罷守槐之役出犯槐之囚

華陽國志曰荀崧小女灌幼而奇節崧爲襄城戍守爲杜魯所圍力弱食盡欲投於故吏平南將軍石覽許無所出灌時年十三乃率勇士數十人踰城突圍夜出賊追甚急灌篤厲將士且戰且前得入楊山獲兎向覽乞師又爲崧書與南中郎將周訪仍結兄弟訪卽遣子撫率三千人會石覽俱救崧賊聞兵至散走灌之力也

又曰王廣女美姿容性慷慨有丈夫之節廣仕劉聰爲西

揚州刺史蠻楊芳攻陷揚州廣被殺女年十五芳納之于閤室中擊芳不中芳曰何故反女曰蠻畜我誅父賊吾聞之父讐不同天母讐不同地汝逆害人父母又以無禮陵人吾所以不死者欲誅汝爾所恨不得梟汝首於通衢以塞大恥乃自殺

又曰楊姬生自寒素父坐獄楊渙爲尙書郎告歸姬乃邀道叩渙言訟父罪言詞慷慨涕泣推感渙愍之語郡縣合爲出其父因其才爲子文方以禮聘之

汝南先賢傳曰戴良字叔鸞嫁五女皆布裙無緣

蔡琰別傳曰琰邕之女年六歲邕中夜鼓琴絃絕琰曰第二絃絕邕乃故絕一絃琰曰第四絃絕曰汝安得中之琰曰昔吳季札觀樂知國之興亡師曠吹律識南風之不競由此言之何得不知邕奇之

異苑曰順陽南鄉楊豐爲虎所噬女香年十四手無寸刃直搯虎頭父遂得免

子婿

爾雅曰女之夫爲婿婿之父爲姻兩婿相謂爲媪儀禮曰婿女子之夫傳曰何以服緦服之也

左傳桓公曰蔡仲專鄭伯使其婿雍糾殺之雍姬知之謂其母曰父與夫孰親其母曰人盡夫也父一而已胡可也遂告蔡仲曰雍氏舍其室而將享子于郊吾惑之以告蔡仲殺雍糾尸諸周氏之注公載以出曰謀及婦人宜其

死也

又文下曰趙穿晉君之壻也

論語曰子謂公冶長可妻也雖在縲絏之中非其罪也以其子妻之南容三復白圭孔子以其兄之子妻之

史記曰陳餘者大梁人好儒術數遊趙富人公乘氏以其女妻之知餘非庸人

漢書曰京房字君明東郡人習易淮陽憲王舅張博從京房受學以女妻房房與相親

後漢書曰馬融扶風人爲人美辭貌有俊才初京兆摯恂以儒術教授隱于南山不應徵聘從其遊學通經籍牛遂奇融才以女妻之

太平御覽

卷五百十九

八

晉書曰韓謚字長深母賈氏賈充女也父壽字德真南陽人美貌充辟爲司空掾充讌賓僚女從青瑛中窺見壽悅焉感想發於寤寐有婢往壽家說其光彩艷逸壽聞動心令通慇懃壽勁捷過人至夕踰垣而入家人莫知唯充女覺日時西域有貢香每著人衣一月不歇帝甚貴之唯以賜充女密盜以遺壽僚左與充宴聞香芬馥自此充意女與壽通乃夜半伴有盜驚起行之唯東北角有狐狸行處充考問女左右知之充遂因妻焉

又曰郗鑒使門生求女壻於王導導令自東廂徧觀諸子門生歸謂鑒曰王氏諸少年並佳然聞信咸至自矜持唯一人在東床坦腹食獨若不聞鑒曰此正佳壻也訪之乃

義之也

宋書曰劉秀十餘歲時與諸兄戲忽有一大蛇來勢甚猛莫不驚怖秀獨不動衆共異焉東海何承天雅相知器以女妻之

齊書曰謝朓爲王敬則婿曾告王敬則其女常懷刀欲報朓朓不敢相見及當拜吏部謙抑尤甚尙書郎范縝嘲以卿人才無慙小選但恨不可刑于寡妻朓有愧色及臨訣嘆曰天道其不可昧乎我不殺王公王公因我而死

三十國春秋曰前趙殷州刺史杜廣初爲劉景廐卒以馬肥良引爲直士待立通夜未曾休倦景因問之廣流涕申欵曲有章條景執其手曰吾罪人也久負賢者謂妻曰爲

太平御覽

卷五百一十九

九

女求夫三年不覺廐中有麒麟於是妻之

搜神記曰楊公字雍伯洛陽人至情篤孝父母沒葬無終山楊公常爲人補履終不取價無終山上無水楊公乃行車汲水作義漿居三年有一人就楊公飲出一升石子與之使向好平地有石處種之玉當生其中并得好婦楊公後種其石數年時往看玉子生焉北平徐氏有女甚有名行人多求不許楊公有佚氣試求焉徐氏以爲狂乃虧媒人曰雍伯能得白璧一雙來當聽爲婚致命雍伯於種石中索得五雙白璧以至徐氏大驚遂以女妻之

宗親部十

夫妻

釋名曰夫妻匹敵之義也士庶人曰妻妻齊也夫賤不足
以尊稱故齊等言也

易家人卦曰夫夫婦婦而家道正

序卦曰有天地然後有萬物有萬物然後有男女有男女
然後有夫婦又曰夫婦之道不可以不久也故受之以恒
恒者久也

詩衡門曰豈其食魚必河之魴豈其取妻必齊之姜豈其
食魚必河之鯉豈其取妻必宋之子毛氏諺曰何必大國
之女然後可妻亦取

太平御覽

卷五百二十一

一

貞順
而已

又草蟲曰啜啜草蟲趨趨阜螽未見君子憂心忡忡亦既

見止亦既覯止我心則降

言猶候大六步
能以禮自防也

又采蘋曰于以采蘋南澗之濱于以采藻于彼行潦于以
奠之宗室牖下誰其尸之有齊季女言大夫妻能
奉祭祀也

又碩人曰碩人其頤衣錦褰衣齊侯之子衛侯之妻

又氓曰女也不爽士貳其行士也罔極二三其德三歲爲
婦靡室勞矣風興衣靡靡有朝矣

又棠棣曰妻子好合如鼓瑟琴兄弟既翕和樂且耽宜爾
室家樂爾妻奴是究是圖亶其然乎

又南山曰藝麻如之何橫從其畝取妻如之何必告父母

取妻之禮議於生者
下於死者此之謂名
析薪如之何匪斧不克取妻如之何
匪媒不得 此言取妻必待媒乃得也

又韓奕曰韓侯取妻汾王之甥蹇父之子韓侯迎止于蹇之里百兩彭彭八鸞鏘鏘不顯其光諸娣從之祁祁如雲韓侯顧之爛其盈門

又思齊曰刑于寡妻至于兄弟以御於家邦

禮記曰天子之妃曰后諸侯曰夫人大夫曰孺人士曰婦人 婦人言服也 庶人曰妻 妻之言齊也

內則曰子甚宜其妻父母不說出 左傳善也 子不宜其妻父母曰是善事我子行夫婦之禮焉沒身不衰

又曰女子二十而嫁有故二十三而嫁 故謂父母喪 聘則為妻

大正 禮記 卷五十一 二十一 二

聘問也妻之言齊以禮見問則得與夫敵禮 奔則為妾

又坊記曰取妻不娶同姓 為其近禽獸也 所以附遠厚別也

左傳隱公曰鄭公子忽如陳逆婦媯辛亥以媯氏歸甲寅入於鄭陳鍼子送女先配而後祖鍼子曰是不為夫婦誣其祖矣非禮也何以能育 禮逆婦必先告祖廟而後行鄭忽逆婦而後告廟故曰先配而

祖後

又莊公曰初懿氏卜妻敬仲其妻占之曰吉是為鳳凰于飛和鳴鏘鏘有媯之後將育于姜五世其昌並為正卿八世之後莫之與京

又僖公中曰狄人伐廬咎如 赤狄之別種 獲其二女叔隗季隗

納諸晉公子公子以叔隗妻趙衰生盾文公妻趙衰生原

同屏括樓嬰原屏樓三趙姬請逆盾與其母趙姬文公女也

子餘辭子餘趙衰字也姬曰得寵而忘舊何以使人必送之固

請許之來以盾為才固請于公以為嫡子而使其三子下

之以叔隗為內子而已下之卿之嫡女為內子

又莊公曰宋華父督見孔父之妻于路目逆而送之曰美

而艷

又曰楚子滅息以息媯歸生堵敖及成王焉未言未與王言楚

子問之對曰我一婦人而事二夫縱不能死其又奚言

又成公下曰晉王欲害伯宗譖而殺之初伯宗每朝其妻

必戒之曰盜憎主人民惡其上子好直言必及於難

又襄公四年曰齊棠公之妻東郭姬之娣也東郭姬臣崔

武子棠公死姬御武子以弔焉見棠姜而美之美其色也使姬

取之為已妻也姬曰男女辨姓今君出自丁臣出自桓不可武

子筮之遇困之大過以示陳文子文子曰夫從風風淫妻

不可娶也且其繇曰困于石據于蒺藜入于其宮不見其

妻凶崔子曰筮也何害先夫當之矣遂取之

又僖公下曰初曰季使過冀見冀缺耨其妻盥之敬相待

如賓與之歸言諸文公曰敬德之聚也能敬必有德德以

治民請君用之文公以為下軍大夫

又昭公七年曰晉叔向適鄭駸箴惡欲觀叔向從使之收

器者而往立於堂下一言而善叔向聞之曰必駸明也下

執其手以上曰昔大夫惡取妻而美三年不言御以如臯

執其手以上曰昔大夫惡取妻而美三年不言御以如臯

射雉獲之其妻始笑而言賈大夫曰才之不可以已也我不能射汝遂不言不笑也夫今子少不揚子若不言吾幾失子矣

又哀公上曰齊侯伐晉夷儀弊無存之父將室之辭以與

其弟無存齊人也室之為取婦也曰此役也不死反必娶於高國高氏國氏

齊貴祥也無存欲必有功還娶卿相之女也

又成公上曰齊晉戰于鞍齊師敗績齊侯見保者曰勉之

齊師敗矣避女子女子曰君免乎曰免矣曰銳司徒免乎

曰免矣曰苟君與我父免矣可若何乃奔齊侯以為有禮

既而問之辟司徒之妻也子之石罍

又成公下曰魯聲伯之母不聘穆姜曰吾不以妾為嬖生

太平御覽 卷五百二十一 四

聲伯而出之嫁于齊管于奚生二子而寡以歸聲伯以其

外弟為大夫而嫁其外妹於施孝叔邾孽來聘求婦於聲

伯聲伯奪施氏婦以與之婦人曰烏獸猶不失伉儷子將

若何曰吾不能死士婦人遂行生二子於邾氏邾氏亡晉

人歸之施氏逆諸河沈其二子婦人怒曰已不能庇其伉

儷又亡之又不能字人之孤而殺之將何以終

春秋漢含孽曰水火交感陰陽以設夫婦象也水火則陰陽也

則夫婦也

又曰妻象太陰臣法金位金陰中之剛故喻臣位水能純柔純柔妻象也

戰國策曰鄒忌長八尺有餘身體逸麗朝服衣冠窺鏡謂

其妻曰我孰與城北徐公徐公齊國之美麗者也妻曰愈

窺鏡而自視不如遠矣暮寢而思之吾妻之美我私我也史記曰晉重耳謂其妻曰待我二十五年不來仍嫁其妻笑曰犁二十五年吾塚上栢大矣雖然妾待子

又曰易基乾坤詩始鬪睢夫婦之際人道之大倫也禮之用唯婚姻爲重

又曰張儀已學而遊說諸侯嘗從楚相飲已而楚相亡璧門下意儀曰儀貪無行資必此人盜相璧共執儀掠笞數百不服釋之其妻曰嘻子無讀書遊說安得此辱乎張儀謂妻曰視吾舌尙在否其妻笑曰舌在也儀曰足矣乃遂入秦秦王以爲客卿

又曰吳起好用兵事魯君齊人攻魯欲將起以起取齊女

太平御覽

卷五百二十一

五

爲妻而疑之起欲就功遂殺其妻以明不與齊魯卒以爲將攻齊大破之

人曰外黃富人女甚美嫁庸奴其夫

徐廣曰一云其夫亡

去抵富客

如淳曰父時故賓客

父客素知張耳乃卒爲請決嫁之張耳是時脫

身游女嫁厚奉給張耳以故致千里客及官魏爲外黃名由此益賢

漢書曰楊輝報段會宗云家本秦也能爲秦聲婦趙女也雅善鼓瑟

又曰京兆尹張敞爲婦畫眉長安中傳京兆眉嫵有可以奏敞宣帝問之對曰臣聞閨房之內夫婦之私有過畫眉

者

范曄後漢書曰鮑宣妻者桓氏之女也字少君宣嘗就少君父學父奇其清苦故以女妻之裝送甚厚宣不悅謂妻曰少君富驕而吾貧不敢當妻曰大人以先生修德守約故使妾侍中櫛旣奉承君子惟命是從乃悉歸御服更衣短布裳與宣共挽鹿車歸鄉里拜姑提甕出汲後漢書曰班昭作女誡馬融善之令妻女習焉

又曰沛周郁妻者字阿嫻於婦道而郁驕淫輕譟多行無禮郁父偉謂阿曰新婦賢者女當以道正夫郁之不改新婦過也阿拜而受命退謂左右曰我無樊衛二姬之行故君以責我我言而不用君必謂我不奉教令則罪在我矣若言而見用是爲子違父而從婦則罪在彼矣乃自殺

太平御覽

卷五百二十一

六

又曰馮良有志行與妻子相遇如君臣

又曰曹操攻呂布欲降而陳宮等自以負罪於操深沮其計謂布曰曹公遠來勢不能久將軍若以步騎出屯於外宮將餘衆閉守於內若向將軍宮引兵而攻其背若但攻城則將軍救於外可破也布然之布妻曰昔曹氏待公臺如赤子猶舍而歸我今將軍厚公臺不過於曹而欲委全城捐妻子孤軍遠出乎若一旦有變妾豈得爲將軍妻哉布乃止

又曰酈炎風病恍惚性至孝遭母憂疾甚發動妻始產而驚死妻家訟之收繫獄炎病不能治對遂死獄中尙書盧

植爲之誄讚以昭其懿

又曰公孫述連徵任承馮信並託青盲以避世難承妻婦
於前匿情無言見子入井忍而不救信侍婢亦對信姦通
及聞述誅乃盥洗更視曰世適平日卽清婦者皆自殺

又曰周澤爲太守嘗臥疾齋宮其妻哀澤老病闕問所苦
澤大怒以妻干犯齋禁自收送詔獄謝罪世疑其僞激時
人爲之語曰生世不諧作太常妻一歲三百六十日三百
五十九日齋一日不齋醉如泥

又曰戴封字平仲年十五詣大學師事東海申君申君卒
送喪到東海邊嘗經其家父母以封當還豫爲娶妻封慙
過拜親不宿而去

又曰河南尹王調洛陽令李阜與竇憲厚善縱放自由尙
書僕射樂恢劾奏調阜并及司隸校尉諸所刺舉無所迴
避貴戚惡之妻每諫恢曰昔人有容身避害何必以言取
怨恢歎曰吾忍素餐立人之朝乎

又曰更始尙書謝躬初其妻知世祖不平常戒躬曰君與
劉公積不相能而信其虛談不爲之備終受制躬不納竟
爲世祖所擒

又曰河南樂羊子之妻者何氏之女也羊子常行路得遺
金一餅還以與妻妻曰妾聞志士不飲盜泉之水廉者不
受嗟來之食况拾遺求利以污其行乎羊子大慙乃捐金
於野而遠尋師學一年來歸妻跪問其故羊子曰久行懷
思無他異也妻乃引刀趨機而言曰此織生自蠶繭成於

機杼一絲而累以至於寸累寸不已遂成丈匹今若斷折織也則損失成功稽廢時月夫子積學當日知所亡以就懿德若中道而歸何異斷斯織乎羊子感其言復還終業遂七年不反

又曰魏朗字仲明入爲尙書舉動皆有禮序室家相待如賓與子孫如嚴君焉

又曰曹世叔妻班彪之姑名昭字惠召入宮號曰大家每有貢獻遣大家作賦及頌注列女傳著女誡及詩並行於時魏志曰初司馬宣王勒兵從闕下趣武庫當曹爽門人逼車住爽妻劉氏卽出至廳事謂帳下守督曰公在外今兵起何如督曰夫人勿憂乃上門樓引弩注箭欲發將軍孫

太平御覽

卷五百二十一

八

謙在後牽止之曰天下事未可知如此者一二宣王遂過又曰郭淮字伯濟太原河曲人拜車騎將軍對曲陽侯淮妻王陵之妹當從坐侍御史往收羗胡渠帥數千人叩頭請淮欲表留其妻淮不從妻就道莫不流涕人人扼腕切雷之淮五子叩頭流血請淮淮不忍視乃遣妻還淮以書白司馬宣王曰五子哀母不惜其身若無其母是無五子亦無淮也書至宣王亦宥之

魏氏春秋曰許允爲吏部郎選郡守明帝疑其所用非次召入將加罪妻允阮氏跣足謂曰明主可以理奪難以情求允之入帝怒詰之對曰某郡太守雖滿文字先至年限在後日限在前帝取事視乃釋遣出望其衣敗曰清吏也

賜之衣允之出爲鎮北也喜謂其妻曰吾知免矣妻曰過見於此何免之有

魚參魏畧曰桓範字彥則沛郡人也使持節督責徐諸軍鎮下邳與徐州刺史鄒岐爭屋引節欲斬岐爲岐所奏不直坐免當轉爲冀州刺史屬鎮北將軍呂昭謂其妻仲長曰我寧作諸卿向公長跪耳不能爲呂子展屈也其妻曰君前在東坐欲擅斬徐州衆人謂君難爲作下今羞爲呂屈是復難爲作上範怒觸其意乃以刀鑽撞其腹妻時懷遂傷胎孕死

又曰常林字伯槐河內人也少好學爲諸生帶經而鋤其妻常自餉饋雖在田野相敬如賓

太平御覽

卷五百二十一

九

晉書曰元康中梁國女子許嫁已受聘尋而其夫戍長安經年不歸女家更以適人女不樂行其母逼強不得已而去尋復病亡後其夫還逕至女墓不勝哀情便發開塚棺女遂活因與俱歸後夫聞知諸官爭之所在不能決秘書郎王導議曰此是非常事不得以常理斷之宜還前夫朝廷從其議

又曰謝安妻劉刺妹也既見家門富貴而安獨靜退乃謂曰丈夫不如此也安掩鼻曰恐不免耳

世說又載

又曰吳隱之爲晉陵太守妻負薪冬月無被欲浣衣卽披絮紡績以供朝夕

又曰王凝之妻謝氏字道韞奕之女也初適凝之還甚不

樂奕曰王郎逸少子不惡汝何恨也荅曰一門叔父則有阿大中郎羣從兄弟則有封胡羯末不意天壤之中乃有王郎
又曰王導爲丞相妻曹氏性妬導甚憚之乃密營別館以處衆妾曹氏知而將往焉導恐妾被辱遽命駕猶遲之以所執塵尾柄驅牛而進司徒蔡謨聞之戲導曰朝廷欲嘉公九卿之命導弗之覺但謙退而已謨曰不聞餘物唯有短轅犢車長柄塵尾導大怒謂人曰往與羣賢共遊洛中何曾聞有蔡克兒也

雀鴻前秦錄曰秦州刺史竇滔妻彭城令蘇道之女有才學織錦製廻文詩以贖夫罪

劉向列女傳曰魯有秋胡子旣納妻五日而官於陳五年乃歸未至家見路傍有美婦人採桑秋胡子悅之下車謂曰若曝獨採桑吾行道遠願託桑陰下一殮於是下齋休焉婦人採桑不輟秋胡子謂曰力田不如逢豐年力桑不如見郎今吾有金願以與夫人婦人曰嘻夫採桑力作紡績織紉以供衣食奉二親養夫子而已矣吾不願人之金所願臣事上無有外意妾事夫家亦無淫佚之志子去矣收子之齋與子笥金秋胡子遂去歸宅家奉金遺毋母使人喚其婦至乃向採桑者也秋胡子見之而慙婦曰子束髮辭親往任五年乃還當懽喜乍馳乍驟揚塵疾至思見親今者乃悅路傍婦人而下子之裝以金子之是忘父母

也忘父母不孝好色淫佚是污行不義夫事親不孝則事君不忠處家不義則治官不理孝義並忘於身心不遂妾不忍見不孝不義之人子改妻矣妾亦不改遂去東而走自投於河而死

又曰晉伯宗妻者晉大夫伯宗之妻也謂伯宗曰子之姓固不可易也且國家多貳其危可立而待也子何不豫結賢大夫以託州黎焉伯宗子也伯宗曰諾乃得畢羊而友之及亦不忌之難三郟害伯宗譖而殺之畢羊乃送州黎于荆遂得免焉

太平御覽

卷五百二十

十一

宗親部十一

慈母保母

乳母

妾

出婦妻

舅舅母

外甥

姨

慈母保母

禮記內則曰子生異為孺子室於宮

特掃一室以處之

擇於諸母

與可者必求其寡裕慈惠温良恭敬慎而寡言者使為子

師其次為慈母其次為保母皆居子室

此人君養子之禮也諸母衆妾也可

者傳御之屬也子師教以善道者慈母知其嗜慾者保母安其居室者示妻食乳之而已

又曾子問曰子游曰喪慈母如母禮與

如母謂父卒三年也

孔子曰

非禮也古者男子外有傳內有慈母君命所使教子也何

太平御覽

卷五百二十一

一

服之有

言無服也

昔者魯昭公少喪其母有慈母良及其死也

公弗忍也欲喪之有司以聞曰古之禮慈母無服今也君

為之服是逆古之禮而亂國法也若終行之則有司將書

之以遺後世無乃不可乎公曰古者天子練冠以燕居居

弗忍也遂練冠以喪慈母喪慈母自魯昭公始也

左傳襄六曰宋大災有伯姬卒待姆也

姆女師也

乳母

史記曰武帝時有所幸倡郭舍人者發言陳辭雖不合道

然令人主和悅武帝少時東武侯母常養帝帝壯時號曰

大乳母率一月再朝朝奏入有詔使幸臣馬遊卿以帛五

十疋賜乳母有詔得令乳母乘車行馳道中當此之時公

卿大臣皆敬重乳母乳母家子孫奴從者橫暴長安中當道製頓人車馬奪人衣服聞於中不忍致之法有司請從乳母家室處之於邊奏可乳母當入至前面見私乳母先郭舍爲下泣舍人曰卽入見辭去勿疾步數回顧乳母如其言謝去郭舍人卽言罵之曰咄老女子何不疾行陛下已壯矣寧須向汝乳而活耶於是武帝憐之乃下詔止無徒乳母

後漢書曰安帝時鄧太后臨朝帝不親政事小黃門李閏與帝乳母王聖讚太后兄執金吾鄧悝等嘗言欲廢帝立平原王德帝每忿懼及太后崩遂誅鄧氏而王聖女伯榮扇動內外競爲侈虐明年帝崩立北鄉侯爲天子王聖及

太平御覽

卷五百二十一

二

黨與皆見徙

王隱晉書曰賈充子黎民三歲乳母抱向闔充入黎民喜踊充鳴之充夫人郭槐遙望疑充卽鞭殺乳母兒思母病死槐又生男向歲乳母抱中庭充過拈兒頰郭又疑之復鞭殺乳母兒又死充遂無嗣

譚藪曰宋何承天爲著作郎時新著作多貴遊少年或戲承天謂爲妳母承天曰鳳凰將九子妳母何言耶

妾

禮記曲禮曰買妾不知其姓則卜之

又內則曰聘則爲妻奔則爲妾

妾之言接也闕彼有禮而往焉以得接見於君子

又曰妾雖年老未滿五十必與百日之御雖婢妾衣服飲

食不後長者妻不在妾御莫敢當夕禮女君之妾將生子御如也及月辰夫使人日一問之

左傳成上曰魯聲伯之母不聘不聘無媒禮穆姜曰吾不以妾

為娣兄弟之妻相謂為娣生聲伯而出之

又昭曰晏子對齊景公曰內寵之妾奪於市外寵之臣僭

合於鄙

又哀下曰魯公子荆之母嬖荆哀庶子將以為夫人使宗人躋

夏獻其禮宗人禮官對曰無之公怒曰女為宗司立夫人國之

大禮也何故無之對曰周公及武公娶於薛孝惠娶於商

自桓以下娶於齊此禮也則有若以妾為夫人則固無其

禮也

太平御覽

卷五百二十一

三

出妻

禮記檀弓曰子上之母死而不喪子上孔子曾孫子思門

人問諸子思曰昔者子之先君子喪出母乎曰然禮為出母期父

卒為父後者不服耳子之不使白也喪之何也子思曰昔者吾先君

子無所失道道隆則從而隆道污則從而污污猶殺也

禮如伋則安能自及不為伋也妻者是為白也母不為伋也

妻者是不為白也母故孔氏之不喪出母自子思始也

又內則曰子甚宜其妻父母不說出空猶善也

漢書曰王吉少時學問長安其東家有大棗樹垂庭中吉

婦取棗以啖吉吉後知之乃去婦東家聞而伐其樹憐里

共止之因固請吉令還婦里中為之語曰東家有樹王陽

去婦東家棗完去婦復遣

又曰王禁先元后母魏郡李氏女也後以妬去更嫁爲河內荀賓妻

後漢書曰馮衍娶北地女任氏爲妻悍忌不得畜媵妾兒女常自操井曰衍竟逐之

又曰黃允濟陰人也以雋才知名郭林宗見而謂曰卿有絕人之才足成偉器然恐守道不篤將失之矣後司徒袁隗欲爲從女求曰見允而歎曰得婿如是足矣允聞而黜遣其妻夏侯氏婦請姑曰今當見棄方與黃氏長辭乞一會宗屬以展離決之情於是大集賓客二百餘人婦坐中攘袂數允隱匿穢惡事十五專言畢登車而去允以此廢

太平御覽

卷五百二十一

四

於時

又曰李克字大遜家貧兄弟六人同衣遞食妻竊謂克曰今貧居如此難以久安願思分異克僞許之曰當醞酒其會請呼鄉里內外克坐中前跪母曰此婦無狀而教克離間母兄罪合遣斥便呵叱其遂令出門婦銜涕而去

齊書曰劉瓛母孔氏瓛娶王氏緣壁挂履土落孔氏床上孔氏不悅瓛卽出其妻

梁書曰孔謙從兄靈慶嘗病寄於謙謙出行還問起居靈慶曰向飲冷熱不調卽時猶渴謙退遣其妻語曰婦有七出三不去者不順父母無子淫僻嫉妬惡疾多口舌竊盜不順父母者爲其逆德也無子者爲其絕世也淫僻者爲

其亂族也嫉妬者爲其亂家也惡疾者爲其不可供棗盛也
也多口舌者爲其離親也竊盜者爲其反義也三不去者
謂有所取無所歸也與其經三年喪也先貧賤後富貴也
凡此皆聖人所以慎男女之際重婚姻之始也

又曰曾子妻以蒸藜不熟出之

古樂府詩曰上山採蘼蕪下山逢故夫長跪問故夫新人
復如何

舅舅母

釋名曰舅久也

爾雅曰母之昆弟爲舅

毛詩秦風曰渭陽康公念母也康公之母晉獻公之文女

太平御覽

卷五百二十一

五

公遭麗姬之難未久而秦姬卒穆公納文公康公時爲太
子贈送文公于渭之陽念母之不見也我見舅氏如母存
焉及其卽位思之而作是詩也我送舅氏曰至渭陽何以
贈之路車乘黃我送舅氏悠悠我思何以贈之瓊瑰玉佩
儀禮曰舅母之昆弟傳曰何以服總從服也

言從母服也

禮記檀弓曰從母之夫舅之妻二夫人相爲服君子未之
言也

左傳僖中曰秦伯納晉公子重耳及河子犯以璧授公子

曰臣負羈紲以從君巡於天下臣之過多矣臣猶知之而

况於君子請由此亡公子曰所不與舅氏同心者有如白

水投其璧於河

又曰庾懌嘗以毒酒餽江州刺史王充之充之覺其有毒飲犬犬斃乃密奏之帝曰大舅以亂天下小舅復欲爾懌聞飲醜而卒

又曰劉琨字慶遜與弟琨字越石並爲尙書郎郭奕之甥也多著當時京師爲之語曰洛中奕奔遜越石

又曰荀最潁州人少孤貧依於舅氏幼而岐嶷最十歲能屬文鍾繇曰此兒當及曾祖爽耳

又曰殷浩坐徙東陽信安縣外甥韓康伯浩素賞愛之隨至徙所經歲還都浩送至渚側詠曹顏遠詩曰富貴他人合貧賤親戚離因而下泣

又曰衛玠字叔寶驃騎將軍王濟玠之舅也雋爽風姿每見玠輒歎曰珠玉在傍覺我形穢

太平御覽

卷五百二十一

六

又曰郗愔字方曰與姊夫王羲之有邁世之風獻之兄弟愔子超未忘時嘗躡履脩甥舅之禮及超死見愔怠慢履而候子命席便坐愔慨然曰嘉賓不死鼠子敢爾

又曰武帝楊諱艷字瓊芝弘農人母天水趙氏早卒於舅家舅母仁愛親乳之使人乳已子

世說曰衛展字道舒爲江州有舊投之都不祇待唯餉王留行一斤此人便命駕李弘範聞之曰家舅劉簿反復使奔木也

又曰魏明帝爲外祖築館旣成謂左右曰當何名又侍中繆襲曰陛下聖恩齊於哲王岡極過於曾閉此館之興請

鍾舅氏宜以涇陽明焉上從之

妃記曰謝太傅劉夫人不合太傅有別房寵公既深好聲色不能合節遂頗欲立妓妾兄弟及外甥等徵達其旨乃共諫劉夫人方便稱關雎螽斯有不妬忌之德夫人知諷已乃問誰撰詩答曰周公夫人曰周公是男子乃相為耳若使老姥傳應無此語也

蔡邕進表曰平丘程末年十四父沒時未抱尸號泣悲哀舅哀其羸劣嚼棗肉以哺之末見食戲鄰不能咽

外甥

釋名曰姊妹之子曰甥出配使男而生也

爾雅曰男子謂姊妹之子出謂我舅者吾謂之甥也

太平御覽

卷五百二十一

七

儀禮子夏傳曰甥何以總報之也

左傳莊公曰楚文王伐申過鄧鄧祁侯曰吾甥也止而享之雖甥舅甥養甥請殺楚子鄧侯不許三甥曰亡鄧國者必此人也若不早圖後君噬臍其及圖之乎

史記曰汲黯字孺濮陽人司馬安是其姊長子與黯同為

太子洗馬

漢書曰霍去病衛青姊少兒子也

又曰顏安字翁孫魯人睢孟姊子也

東觀漢記曰黃香字文強年十二家業虛貧衣食不贍舅

龍卿侯為作衣被不受

晉書曰魏舒少為舅寧氏所養寧氏營宅相者云當出貴

甥舒時尙幼自言曰當爲外氏成此宅相

又曰石崇字季倫其甥歐陽建趙王倫有隙倫爲詔收崇及建建作臨終詩

又曰謝重字景重子約字宣映會於公座戲嘲無禮於其舅袁湛湛謂曰汝父昔已輕舅今汝復來加我可謂兩世無渭陽之情約父重卽王敬之外孫與舅有不協之論湛故有此云

又曰范汪少孤年六歲過江依外家庾氏荆氏刺史王澄見之曰與范氏者必此子也十三年母居喪盡禮及長好學博識多通善談明理

又曰韓康伯清和有思舅殷浩曰康伯能自操置居然是
太平御覽 卷五百二十一 八
出羣器也

又曰何無忌東海郟人少有大志鎮北將軍劉牢之卽其舅也時鎮京口每有大事皆叅議之桓玄之篡與劉裕劉毅共典義兵桓玄聞之甚懼其黨曰烏合之衆勢必無成玄曰劉裕勇冠三軍劉毅家無擔石之儲樗捕一擲百萬何無忌劉牢之甥酷似其舅共舉大事何爲無成

又曰姚興大師令高魯遣其甥王蒙暉劉藻送玉璽一鈕并圖識秘文於慕容德

吳均齊春秋曰劉獻字珪沛人五歲聞舅孔昭先讀管寧傳欣然請更讀因聽受曰可及此耳

三輔決錄曰吉開幼有美名九歲明尙書何遜死家貧

子幼開自造墳塋殯墓之

衛玠別傳曰玠王武子甥也武子常與乘白羊車入市舉市曰誰家璧人曰武子甥也武子常與同遊語曰作與外甥玠并出炯若明珠在側朗然來照人

姨

爾雅曰母之姊妹爲從母

儀禮子夏傳曰從母夫婦人報

從母
婦
之
姊
妹

傳曰何以小加也

以名加也外親之服皆總之

晉書曰何充字次道廬江人王導妻姊之子故少與王導善早爲顯官嘗詣舍導以麈尾指床呼充共座曰此是君座也

太平御覽

卷五百二十一

九

又宋書初高祖產而黃姚姐考皇貧薄議欲不能養高祖從母生懷敬未期乃斷乳而養高祖以舊恩之故懷敬累至會稽太守

三輔決錄曰周季貞班固姊之子也善屬文喪婦作問神其姨曹大家難之

禮儀部一

敘禮上

尚書舜典曰咨四嶽有能典朕三禮三禮天地神祇人鬼之禮也

毛詩國風曰相鼠刺無禮也衛文公能正其羣臣而刺在

位承先君之化無禮儀也相鼠有皮人而無儀相視也無禮儀者雖

居尊位猶為暗昧之行箋云儀威儀也視鼠有皮雖處人

高顯之位偷食苟得不知廉恥亦與人無威儀者同而無儀不死何為箋云人以有威儀為貴今反無之傷化敗俗不如其死無所害也相鼠

有齒人而無止止所止患箋云止客止孝經云容止可觀人而無止不死何侯

俟傳也相鼠有體體支體也人而無禮人而無禮胡不過死過速也

又曰蒹葭刺襄公也未能行周禮將無以固其國焉李處周也

太平御覽 卷五百二十一

舊土其人被周之德教日久矣今襄公新蒹葭蒼蒼白露為諸侯未習周之禮法固國人未服焉

為霜輿也兼葭蘆也蒼蒼盛也白露凝戾為霜然後歲事成與國家待禮然後與箋云蒹葭在衆草之中也霜

然強盛至白露凝戾為霜則成而黃與者喻衆所謂伊人民者之不從襄公政令者得周禮以教之則服

在水一方

周禮天官曰太宰之職掌建邦之六典三曰禮典以和邦

國以統百官以諧萬民

周禮地官司徒曰司徒之職掌施十有二教焉一曰以祀

禮教敬則民不苟二曰以陽禮教讓則民不爭三曰以陰

禮教親則民不怨四曰以樂禮教和則民不乖五曰以儀

辨等則民不越六曰以俗教安則民不偷七曰以刑教中

則民不越八曰以誓教恤則民不怠九曰以度教節則民

知足十日以世事教能則民不失職十有一日以賢制

則民慎德十有二日以庸制祿則民興功

周禮地官曰大司徒以五禮防萬民之偽而教之中禮所

止民之侈偽其行得中鄭可農云五禮吉凶賓軍嘉

周禮春官宗伯曰以嘉禮親萬民嘉善也所以因人心所善者而為之制嘉禮之

別有以飲食之禮親宗族兄弟親者使之相親人君有食宗族飲酒之禮所以親之

也文王世子曰族食世降一等大傳曰繫之以姓而弗別綴之以食而弗殊百世而婚姻不通者周道然也以

昏冠之禮親成男女親其恩成其性以賓射之禮親故舊朋友禮射

雖王亦立賓主也王之故舊朋友為世子時共在學者天子亦有友諸侯之義武王誓曰我友邦冢君是也可冠職

有識故之辟以饗燕之禮親四方之賓客賓客謂朝聘者以脣膳

之禮親兄弟之國脣膳社稷宗廟之內以錫同姓之國同福祿也兄弟有共先王者魯定公十四

太平御覽 卷五百二十一 二

年天王使石向來歸賑以賀慶之禮親異姓之國異姓王昏朝甥舅

禮記曲禮曰夫禮所以定親疎決嫌疑別同異明是非也

道德仁義非禮不成教訓正俗非禮不備分爭辨訟非禮

不決君臣上下父子兄弟非禮不定宦學事師非禮不親

班朝治軍蒞官行法非禮威嚴不行禱祀祭祀供給鬼神

非禮不誠不莊是以君子恭敬樽節退讓以明禮樽猶趨也

曲禮曰人有禮則安無禮則危故曰禮者不可不學也夫

禮者自卑而尊人雖負販者必有尊也而况富貴乎負販者友

輕挑志利空者無禮然富貴而知好禮則不驕不淫貧賤而知好禮

則志不懾懾猶法也

又曲禮下曰君子行禮不求變求猶勝也

又禮運曰孔子曰夫禮先王以承天之道以治人之情故失之者死得之者生詩曰相鼠有體人而無禮人而無禮

胡不遘死相視也遘疾也言鼠之有身體如人而無禮者矣人之無禮可憎賤如鼠不如鼠疾死之愈

是故夫禮必本于天殺於地列於鬼神聖人則天之明因地之利取法度於

鬼神以制禮下教令也既又祀之盡其敬也教民嚴上也鬼神者精魂所歸神者引物而出謂祖廟山川五祀之屬也

達於喪祭射御冠昏朝聘民知嚴上則此禮達於下故聖人以禮示之

故天下國家可得而正也

又禮運曰禮者君之大柄也所以別嫌明微儆鬼神考制

度別仁義所以治政安君也疾今失禮如此為言禮之大義也柄所操以治事

又禮運曰是故夫禮必本於太一而為天地轉而為陰

陽變而為四時列而為鬼神

太平御覽

卷五百二十一

又禮運曰故聖人之所以治人七情修十義講信修睦尚

辭讓去爭奪舍禮何以治之唯禮可耳飲食男女人之大欲存

焉死亡貧苦人之大惡存焉故欲惡者心之大端也人藏

其心不可測度也美惡皆在其心不見其色也欲一以窮

之舍禮何以哉言人情之難知明禮之重

又禮運曰故禮行於郊而百神受職焉禮行於社而百貨

可極焉禮行於祖廟而孝慈服焉禮行於五祀而正法則

焉言信得其禮則神物與人皆應之百神列宿也百貨金玉之屬

又禮運曰故禮義也者人之大端也所以講信修睦而固

人肌膚之會筋骸之束也所以養生送死事鬼神之大端

也所以達天地順人情之大寶也寶孔故唯聖人為知禮

之不可以已也故壞國喪家亡人必先去其禮言愚者之反聖人也

故禮之於人也猶酒之曰藥也君子以厚小人以薄皆得為

美味性善者醇耳

又禮器曰禮器是故大備盛德也禮器言禮使人成器如未耜之為用也人情以為田修理以耕之此是也

大備自耕至於食之弗肥禮釋回增美質措則正施則行釋猶去也回邪辟也質猶性也措置

其人在人也如竹箭之有筠也如松柏之有心也二者居天下之大端矣故貫四時而不改柯易葉

故君子有禮則外諧而內無怨故物無不懷仁鬼神饗德

先王之立禮也有本有文忠信禮之本也義理禮之文也

無本不立無文不行言必內外具也

又禮器曰禮也者猶體也若人身體體不備君子謂之不成人

設之不當猶不備也禮有大有小有顯有微大者不可損

小者不可益顯者不可掩微者不可大也故經禮三百曲

禮三千其致一也致之言至也一謂誠也經禮謂周禮也周禮六篇其官有三百六十曲猶事也

事禮謂今禮也禮篇多亡本數未聞其中事儀三千未有入室而不由戶者三百三千皆猶誠也

又禮器曰君是故甘受和白受采忠信之人可以學禮苟

無忠信之人則禮不虛道是以得其人之為貴也

又樂記曰是故先王有大事必有禮以哀之有大福必有

有禮以樂之哀樂之分皆以禮終

又經解曰禮之於正國也猶衡之於輕重也繩墨之于曲

直也規矩之于方圓也故衡誠縣不可欺以輕重繩墨誠

陳不可欺以曲直規矩誠設不可欺以方圓君子審禮不

可證以奸詐是故隆禮由禮謂之有方之士不隆禮不由禮謂之無方之民敬讓之道也

又經解曰故朝覲之禮所以明君臣之義也聘問之禮所以使諸侯相尊敬也喪祭之禮所以明臣子之恩也鄉飲酒之禮所以明長幼之序也昏姻之禮所以明男女之別也夫禮禁亂之所由生猶坊止水之所自來也故以舊坊爲無所用而壞之者必有水敗以舊禮爲無所用而去之者必有亂患故昏姻之禮廢則夫婦之道苦而淫辟之罪多矣鄉飲酒之禮廢則長幼之序失而爭鬪之獄繁矣喪祭之禮廢則人子之恩薄而倍死妄生者衆矣聘覲之禮廢則君臣之位失諸侯之行惡而倍畔侵陵之敗起矣故禮之教化也微其止邪也于未形使人日徙善遠罪而不自知也是以先王之禮以爲教故以隆禮爲重可不戒哉又哀公問曰哀公問於孔子曰大禮何爲君子之言禮何其尊也孔子曰丘也小人不足以知禮益不君曰否吾子言之也孔子曰丘聞之民之所由生理爲大非禮無以節事天地之神也非禮無以辨君臣上下長幼之位也非禮無以別男女父子兄弟之親昏姻疏數之交也君子以此之爲尊敬然

又曰仲尼燕居子張子貢言游侍從言至于禮言游子游也從言汎

說事子曰居汝三人者吾語女禮使女以禮周流無不徧也

子貢越席而對曰敢問何如對應子曰敏而不中禮謂之

野恭而不中禮謂之給勇而不中禮謂之道

又曰言游進曰敢問禮也者領惡而全好者與子曰然然則何如子曰郊社之義所以仁鬼神也嘗禘之禮所以仁昭穆也饋奠之禮所以仁死喪也射御之禮所以仁鄉黨也食享之禮所以仁賓客也仁猶存也子曰明乎郊社之義嘗禘之禮治國其如指諸掌而已乎是故以之居處有禮故長幼辨也以之闈門之內有禮故三族和也以之朝廷有禮故官爵序也以之田獵有禮故戎事閑也以之軍旅有禮故武功成也

又仲尼燕居日子曰禮者何也即事之始也君子有其事必有其治治國而無禮譬猶瞽之無相與俛俛其乎何之大平御覽 卷五十二 二 六

譬如終夜有求于幽室之中非燭何以見若無禮則手足無所措耳目無所加進退揖讓無所制

又坊記日子云夫禮者所以章疑別微以為民防者也故貴賤有等衣服有別朝廷有位則民有所讓

又中庸日子曰吾說夏禮杞不足徵也吾學殷禮有宋存焉吾學周禮今用之吾從周微猶明也吾能說夏禮顧祀之君不足與明之也吾從周

行今之道

禮含文嘉曰禮者履也

禮稽命徵曰得禮之制澤谷之中有赤鳥白玉赤蛇赤龍

赤木白泉生出飲酌之使壽長

禮稽命徵曰禮之動搖也與天地同氣四時合信陰陽為

符日月爲明上下和洽則物獸如其性命

太平御覽

卷五百二十二

七



太平御覽卷第五百二十二終

吳興陳杰分校

禮儀部二

敘禮下

禮記外傳曰吉凶賓軍嘉卽五禮之目也吉禮者祭祀郊

廟社稷之事是也起自神農氏始教民種穀禮始于飲食吹簫籥擊土鼓以迎田祖致敬鬼神祭

皆用樂此伊耆氏卽神農別號賓禮者喪紀之說年穀不登大夫去國之

事也主帝始養生送死也賓禮者貢獻朝聘之事是也軍禮者始黃

帝與蚩尤戰於涿鹿之野嘉禮者好會之事也起自伏羲

以儷皮焉始制嫁娶享通嘉會之事其後有冠冠者代父之事也昏有繼世之道物

有代謝之期悲發于中乃非純吉以爲喜尉之事者也鄉飲酒鄉射食者老王燕俗

人之事是也四者亦嘉會族人之事也但前代象天其禮質而略後代

太平御覽 卷五百二十三 一

法地其事煩而又唐虞之際五禮明備周公所制文物極

矣

左傳文下曰齊侯侵我西鄙遂伐曹入其郭討其來朝也

季文子曰齊侯其不免乎已則無禮而討于有禮者曰女

何故行 以順天之道也已則反于天而又以討人

難以免矣

又文公曰先大夫臧文仲教行父事君之禮行父奉以用

旋弗敢失隊曰見有 於其君者事之如孝子之養父母

也見無 於其君者誅之如鷹鷂之逐鳥雀也

又宣十六年曰晉侯使士會平王室定王享之原襄公相

殺蒸蒸升也升武子私問其故享當禮薦而殺蒸已故

王聞之召武子曰季氏而弗聞乎王享有體薦享明牛解其體而薦

之所以宴有折俎體解節折升之於俎物皆可食所以示慈惠也公當享鄉當宴

王室之禮也武子歸而講求典禮以脩晉國之法

又昭二年曰晉侯使韓宣子來聘公即伯故且告為政而來見

禮也觀書于太史氏見易象與魯春秋曰周禮盡在魯矣

吾乃今而知周公之德與周之所以王也

又昭四年曰楚靈王使問禮於左師與子產左師曰小國

習之大國用之敢不薦聞獻公合諸侯之禮六其禮六儀也宋爵公

故獻公禮子產曰小國共職敢不薦守獻伯子勇會公之禮六

鄭伯爵故獻伯子勇會公之禮其禮同所從言之異

又昭五年曰公如晉自郊勞至于贈賄無失禮揖讓之禮晉侯

太平御覽 卷五百二十三 一

謂女叔齊曰魯侯不亦善於禮乎對曰魯侯焉知禮公曰

何為自郊勞至于贈賄禮無違者何故不知對曰是儀也

不可謂禮禮所以守其國行其政令無失其民者也

又昭七年曰公至自楚孟僖子病不能相禮乃講學之苟

能禮者從之及其將死也召其大夫曰禮人之幹也無禮

無以立吾聞將有達者孔丘僖子沒時孔丘年三十五聖人之後也我

若獲沒得以壽終必屬說與何忌於夫子使事之而學禮焉以

定其位

又昭二十五年曰會于黃父鄭子太叔見趙簡子簡子問

揖讓周旋之禮焉對曰是儀也引禮也簡子曰敢問何謂

禮對曰吉也聞諸先大夫子產曰夫禮天之經也道之也

之義也民之行也天地之經而民實則之簡子曰甚哉禮之大也對曰禮上下之紀天地之經緯也民之所以生也是故先王尚之

又昭年齊景公曰善哉吾今而後知禮之可以為國也對曰禮之可以為國也久矣與天地並君令臣恭父慈子孝兄愛弟敬夫和妻柔姑慈婦聽君令而不違臣恭而不二父慈而教子孝而箴兄愛而友弟敬而順夫和而義妻柔而正姑慈而從婦聽而婉禮之善物也

又定十年曰公會齊侯于祝其夾谷即祝其也實夾谷儀孔丘相也黎彌言於齊侯曰孔丘知禮而無勇若使萊人以兵劫魯侯必得志焉

太平御覽

卷五百二十三

一二

又定十五年曰邾隱公來朝子貢觀焉邾子執玉高其容仰公受玉卑其容俯子貢曰以禮觀之二君者皆有死亡焉夫禮死生存亡之體也將左右周旋進退俯仰於是乎取之今正月相朝而皆不度其先亡乎

又哀上曰太宰嚭吳大召季康子季康子使子貢辭太宰

嚭曰國君道長而大夫不出門此何禮也對曰豈以為禮畏大國也大國不以禮命于諸侯苟不以禮豈可量也寡君既共命焉其老豈敢棄其國太伯端委以治用禮仲雍嗣之斷髮文身羸以為飾豈禮也哉

春秋說辭題曰禮者所以設明而體天地節目之端也

論語曰有子曰禮之用和為貴先王之道斯為美小大由

之有所不行知和而和不以禮節之亦不可行也

又子曰道之以政齊之以刑民免而無恥道之以德齊之以禮有恥且格

又曰子曰夏禮吾能言之禮不足徵也殷禮吾能言之宋不足徵也

又曰子張問十世可知也子曰殷因於夏禮所損益可知也周因於殷禮所損益可知也其或繼周者雖百世可知也

又曰顏淵問仁子曰克己復禮爲仁一日克己復禮天下歸仁焉爲仁由己而由人乎哉顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏

大不御覽

卷五百二十三

四

詩事斯語矣

又子曰禮云禮云玉帛云乎哉

言禮非但崇此玉帛而已所貴者乃貴其安上治民

而已矣

漢書叔孫通傳曰漢王已并天下諸侯共尊爲皇帝於定

陶通就其儀號高帝悉去秦儀法爲簡易羣臣飲醉爭功

或妄呼拔劍擊柱上患之通知上益饗之說上曰夫儒者

難與進取可與守成臣願徵魯諸生與臣弟子共起朝儀

高帝曰可試爲之今易知度吾所能行爲之七年長樂宮

成諸侯羣臣朝十月大行設九賓臚句傳於是皇帝輦出

房百官執戟傳警引諸侯王以下至吏六百石以次奉賀

自諸侯王以下莫不震恐肅敬至禮畢盡伏置法酒文讀

酒介法也林曰書會諸侍坐殿上皆伏抑首以尊卑次起

上壽觴九行謁者言罷酒御史執法舉不如儀者輒引去
竟朝置酒無敢譴諱天禮者於是高皇帝曰吾乃今日知
爲皇帝之貴也拜通爲太常賜金五百斤通出皆以五百
金則諸生諸生乃喜曰叔孫生聖人知當世務

又曰王者必因前王之禮而順時施宜有所損益節人之
心稍稍制作

又曰宣帝時諫議大夫王吉上疏願述舊禮明王制驅一
代之人躋仁壽之城

范曄後漢書曹褒傳曰詔召玄武司馬遷班固問改定禮
制之宜固曰京師諸儒多能說禮宜廣招集共議得失帝

太平御覽

卷五百二十三

五

曰諺言作舍道傍三年不成會禮之家名爲聚訟互生疑
異筆不得下昔堯作大章一夔足矣章和元年正月乃召
褒詣嘉德門令小黃門持班固所上叔孫通漢儀禮十二
篇敕褒曰此制散略多不合經今宜依禮條正使可施行
於南宮東觀盡心集作

典略曰孔子過宋與弟子集禮於大樹下宋司馬桓魋使
拔其樹去適鄭

六韜曰太公對文王曰禮者治之粉澤也

管子曰禮者固人之情緣義之理爲人節文者也

孟子曰惻隱之心仁之端也辭讓之心禮之端也

係卿子曰禮者人主以爲羣臣尺寸尋丈檢式也禮有三

本天地生之本先祖類之本君師治之本故國之本在禮也

又曰人生有欲則求鬪爭爭則亂亂則窮先王惡亂也故制禮義以養之禮者養也稻粱五味所以養口也椒蘭芬馨所以養鼻也雕琢刻鏤黻黼文章所以養目也疏房越席沐浴几筵所以養體也

莊子曰三王五帝之禮儀法度不同於同而同於治故辟三王五帝之禮儀法度其猶祖黎橘抽果瓜之屬耶其禮相反而皆可於口

文子曰老子云爲禮者琢人性矯拂其情目雖欲之禁以法心雖樂之節以禮趨朔周旋屈節異疑儀肉凝而弗食酒散而不飲外束其形中愁其意汨陰陽之和而迫性命之情

慎子曰禮從俗政上國有貴賤之禮無賢不肖之禮有長幼之禮無勇怯之禮有親疎之禮無愛惡之禮也

淮南子曰禮者體情而制文者也

又曰夫水積則生相食之蟲

言大魚食小魚

土積則生食肉之獸

禮飾則生僞慝之儒夫吹灰而欲無映涉水而欲無濡不可得也

說苑曰齊景公登耐宴子脩食禮以待公曰禮寡人厭之矣吾欲得天下勇士與之圖國宴子對曰君子無禮是庶

人也庶人無禮是禽獸禮也而治國所以御民也譬者所

以馭馬也無禮而治國家者嬰未嘗聞也景公曰善乃飾
耐更席以爲上客

尸子曰秋爲禮西方爲秋秋肅也萬物莫不肅敬禮之至
也

韓詩外傳曰宴子聘魯下堂則趨授立則跪子貢怪之問
孔子孔子問宴子宴子對曰夫上堂之禮君行一臣行二
也今君之受幣也卑臣敢不跪乎孔子曰善禮中又有禮
董生書曰理者天所爲也文者人所爲謂之禮禮者因人
情以爲節文以救其亂也夫隄者水之防也禮者人之防
也刑防則未防其本也

白虎通曰夫禮者陰陽之際也百事之會也所以尊天地
太平御覽
卷五百二十三
七
賓鬼神序上下之道也

袁淮書曰禮者緣人情而爲節度者也嚴父愛親之情也
尊親敬長之義也

物禮論云禮者履也律也義同而名異
孫卿禮賦曰爰有大物非繇非帛文理成章非月非日爲
天下明生者以壽死者以葬城廓以固三軍以強粹而王
駁而霸無一焉而亡

禮儀部三

祭禮上

毛詩召南曰采蘋大夫妻能循法度也能循法度則可以承先祖共祭祀矣于以采蘋南澗之濱于以采藻于彼行潦

又小雅天保曰吉蠲爲饎是用孝享禴祀烝嘗于公先王

春曰祠夏日禴秋曰嘗冬日烝公事也箋云公謂后稷也君曰卜爾萬壽無疆

又小雅吉日曰吉日維戊既伯既禱

又小雅大田曰來方禋祀以其騂黑與其黍稷以享以祀

以介景福

太平御覽

卷五百二十四

一

又小雅楚茨曰濟濟跄跄絜爾牛羊以往烝嘗或剝或烹

或肆或將祝祭于祊祀事孔明

又小雅信南山曰祭以清酒從以騂牡享于祖考執其鸞

刀以啟其毛取其血膋鸞刀刀有鸞者言割中節也箋云毛以告純也血以告殺膋以升臭

合之黍稷實之於肅合馨香也是蒸是享苾苾芬芬祀事孔明

又生民曰生民尊祖也后稷生於姜嫄文武之功起於后

稷故推以配天焉厥初生民時維姜嫄生民如何克禋克

祀以弗無子克能也勿之言祓也履帝武敏歆攸介攸止載震載

夙載生載育

又清廟曰清廟祀文王也周公既成雒邑朝諸侯率以祀

文王焉

又清廟烈文曰烈文成王卽政諸侯助祭也以朝享之禮
祭於祖考告嗣位也烈文薛公錫茲祉福惠我無疆子孫保之烈光也文

王錫之

又臣工曰振鷺二王之後來助祭也二王夏殷也其後祀也宋也振鷺

于飛于彼西雝我客戾止亦有斯容箋云白馬于西雝之澤言得其處也與者

喻祀宋之君有潔白之德來助祭於周之廟得禮之宜也

又臣工曰潛季冬薦魚春獻鮪也猗與漆沮潛有多魚有

鱣有鮪鱗鱮鯉猗與嘆美之言漆沮岐周之二水也以享以祀以介景福

介助景大也

尚書舜典曰望于山川徧于羣神孔安國傳曰九州名山大川五岳四瀆之屬皆

一時望祭之羣神謂曰陵墳衍古之聖賢皆祭之

太平御覽 卷五百二十四

又說命曰黷于祭祀時謂弗欽孔安國傳曰祭不欲數數則黷黷則不敬

又洛誥曰王肇稱殷禮祀于新邑咸秩無文孔安國傳曰言王當始舉

殷家祭祀以禮典祀於新邑皆次秩不在禮文者而祀之

又多士曰自成湯至于帝乙罔弗明德恤祀孔安國傳曰自帝乙以上

無不顯用有德憂念齊敬奉其祭祀言能保宗廟社稷也

尚書大傳曰祭之爲言祭也察之爲言察也至者至也人事也人事至然後祭祭者薦也薦者薦之爲言在也在者在其道也

又五行傳曰簡宗廟不禱祠廢祭祀逆天時則水不潤

下

又五行傳曰六沝之禮散齋七日致齋三日新器絜以祀

用赤黍三日之朝於中庭祀四方從東方始自南至西平

於北方其祀禮曰格祀篇名曰某也方祀曰播國卒相行

事其祀也曰若爾神靈洪範六沴是合神靈謂木精靈威仰火精赤熒怒土

精合樞紐金精白招拒水精叶光祀及木帝太暉火帝炎帝土帝黃帝金帝少昊水帝顓頊木官句芒火官祝融土官

后土金官蓐收水官玄溟皆是也無差無傾無有不正若民有不敬事則

會批之于六沴言民廣及天下有過者也事六事也會合也批推也言天下有過神靈亦合推內于

六沴天子以天下為任者也六事之機以垂示我我民人無敢不敬事

上下王祀

周禮天官冢宰曰以八則治都鄙一曰祭祀以馭其神祀

先君社稷五祀以九式均節財用一曰祭祀之式

又天官上內饗曰凡宗廟之祭祀掌割亨之事凡燕飲食

太平御覽 卷五百二十四 三

亦如之

又天官甸人曰凡祭祀喪紀賓客共其死獸生獸共其

凡獸入于腊人皮毛筋角入于玉府給作器物

又天官甸人曰凡祭祀喪紀賓客共其死獸生獸大羹肉

又地官甸人曰凡祭祀喪紀賓客共其死獸生獸完者

之牲牲六牲謂牛馬羊豕犬雞凡陽祀用騂牲毛之陰祀用黝牲毛

之望祀各以其方之色牲毛之毛純也陰祀祭地北郊及社稷也陽祀春夏也黝讀

為幽幽黑也凡時祀之牲必用牲物凡外祭毀事用龍可也

凡祭祀共其犧牲以受充人繫之凡生不繫之共奉之謂非時而祭祀者

又地官上曰牛人掌養國之公牛以待國之政令凡祭祀
共其享牛求牛以授職人而芻之

又曰凡祭祀供其牛牲之互與其盆簠以待事
互謂福衡之屬盆簠皆器名

又地官下閭師曰凡庶民不畜者祭無牲不耕者祭無盛

又春官上大宗伯曰大宗伯之職掌建邦之天人神鬼地

祇之禮以佐王建保邦國

又曰禮祀祀昊天上帝以實柴祀日月星辰以櫛燎祀司

司中司命飄師雨師以血祭社稷五祀五嶽以貍沈祭山

林川澤以騶辜祭四方百物

又曰凡祀大神享大鬼祭大祇師執事而卜曰宿眠滌濯

太平御覽

卷五百二十四

四

澠玉鬯省牲饗奉玉盞詔大號治其大禮詔相王之典禮

若王不與祭祀則攝位

正有故代行其祭祀

凡大祭祀王后不與則

攝而薦豆籩徹

薦徹豆籩王后之事

國有大故則旅上帝及四望

王大封則先告后土乃頒祀于邦國都家鄉邑

又春官下太祝曰太祝掌六祝之事太師宜于社造于祖

設軍社類上帝國將有事於四望

將行也四望日月星辰也

及軍歸獻

于社則前祝

獻于社主

又春官曰家宗人掌家祭祀之禮凡祭祀致福

大夫采地之祀與都

同若先王之子孫亦有祖廟

禮記月令曰孟春之月其祀戶祭先脾仲秋之月天子獻

羔開水先薦寢廟上丁命樂正習舞釋菜天子乃率三公

九卿諸侯大夫親往視之物也中丁又命樂正習學入

樂是月也祠不用牲犧用珪璧更皮弊季春之月天子始

乘舟薦鮪于寢廟乃為麥祈實

又月令曰孟夏之月其祀竈祭先肺夏陽氣盛熱於外祀之於竈從熱類也祀

之先祭肺者陽位在上肺亦在上為尊也

又月令仲夏祀皇地祇於方丘夏至之日祀皇地祇於方丘以高祖神堯皇帝配坐

以岳瀆等神從祀

又月令仲夏日命有司祭先牧

又月令季夏曰其祀中霤祭先心中霤猶中室也祭中霤之為祖先進心是月

也祀黃帝于南郊謂季夏土德王曰明祀黃帝也合樞紐於南郊以軒轅配坐以后土鎮星從祀

也

太平御覽

卷五百二十四

五

又月令曰孟秋其祀門祭先肝秋陰氣出祀之於門外陰肝為導也

中于戴值肝肝為導也

又月令曰孟冬其祀行祭先腎冬陰盛寒於水祀之於行從辟除之類也行謂道也

祭先腎者陰位在下腎亦在下腎為尊也

又月令曰孟冬日祀神州地祇於北郊立冬日祭神州地祇于北郊太宗文

武聖皇帝配坐是月也命有司祭司寒孟冬祭司寒于北郊是月也命

有司祭祀中司命司人司祿冬後立日祀司業芋于國城

西北

又月令曰仲冬日命有司祈祀四海大川名源淵澤井泉

順其盛德之時氣也

又曲禮上曰臨祭不惰容祭服弊則焚之祭器弊則埋之

又曲禮下曰無田祿者不設祭器有田祿者先爲祭服
又曰君子雖貧不鬻祭器雖寒不衣祭服去國祭器不踰
境大夫寓祭器於大夫士寓祭器於士

又云曲禮下曰天子祭天地祭四方祭山川祭五祀歲徧
諸侯祭方祀祭山川祭五祀歲徧大夫祭五祀歲徧士祭
其先凡祭有其廢之莫敢舉也有其舉之莫敢廢也非其
祭而祭之名曰淫祀淫祀無福支子不祭祭必告于宗子

不敢
自專

又曰凡祭宗廟之禮牛曰一元大武豕曰剛鬣豚曰牯肥
羊曰柔毛雞曰翰音犬曰羹獻雉曰疏趾兔曰明視脯曰

尹祭稟魚曰商祭鮮魚曰脰祭水曰清滌酒曰清酌黍曰

太平御覽

卷五百二十四

六

薌合梁曰薌箕稷曰明粢稻曰嘉蔬韭曰豐本鹽曰醎醢

玉曰嘉玉幣曰量幣號牲物者異于人用也元頭武逆也
膾肥也春秋傳曰傅石肥膾允貌也

尹正也商猶量也脰直也嘉善也稻瓜蔬
之屬豐茂也大韞曰醢今河東云幣帛也

又曰曲禮曰大饗不問卜祭五帝于明
堂奠卜也不饒富富之言備
也備而已

勿弗
禮也

又檀弓下曰仲遂卒于垂壬午猶繹萬人去籥仲尼曰非

禮也鄉卒不繹

又王制曰祭豐年不奢凶年不儉

又王制曰天子祭天地諸侯祭社稷大夫祭五祀五祀謂
司命中

雷門行
厲也天子祭天下名山大川五岳視三公四瀆視諸侯

視其牲
器之數諸侯祭名山大川之在其地者天子諸侯因國之

在其地而無主後者

又禮器曰晏平仲祀其先人豚肩不揜豆澣衣濯冠以朝

君子以為隘也

溢猶狹也

又曰君子曰祭祀不祈孔子曰臧文仲安知禮夏公弗基

音逆祀而弗止也燔柴于奧

文仲魯公子臧之曾孫臧孫辰也莊文之間為大夫于時

為賢是以非之不正禮也文二年八月丁卯大事于太廟躋僖公始逆祀是夏公弗基為宗人之為也奧當為鬯字

夫奧者老婦之祭也盛于盆尊于瓶

又曰季氏祭逮闇而祭日不足繼之以燭雖有強力之容

肅敬之心皆倦怠矣有司跛倚以臨祭其為不敬大矣他

日祭于路與室事交乎戶堂事交乎階質明而始行事晏

朝而退孔子聞之曰誰謂由也而不知禮乎

太平御覽

卷五百二十四

七

又大傳曰牧之野武王之大事也既事而退柴于上帝祈

于社設奠于牧室

柴祈奠告天地及先祖也

遂率天下諸侯執豆籩駿奔走

又祭法曰燔柴于泰壇祭天也瘞埋于泰折祭地也用騂

壇折封土為祭處也壇之言坦也坦明貌也祈昭哲也必為燭明之名尊神也地陰祀用黝牲與天俱用犢豕

言埋少牢於泰昭祭時也相近於坎壇祭寒暑也王宮祭

日也夜明祭月也幽宗祭星也雩宗祭水旱也四坎壇祭

四方也山林川谷丘陵能出雲為風雨見怪物皆曰神有

天下者祭百神諸侯在其地則祭之亡其地則不祭

昭明也亦

謂壇也時四時也亦謂陰陽之神也埋之者陰陽出入于地中也

又祭法曰夫聖王之制祭祀也法施于民則祀之以死勤

事則祀之以勞定國則祀之以能禦大菑則祀之能捍大

患則祀之是故厲山氏之有天下也其子曰農能殖百谷
夏之衰也周棄繼之故祀以爲稷共工氏之霸九州也其
子曰后土能平九州故祀以爲社帝嚳能序星辰以著衆
堯能賞均刑法以義終舜勤衆事而野死鯀鄩鴻水而殛
死禹能脩鯀之功黃帝正名百物以明民共財顓頊能脩
之契爲司徒而民成冥勤其官而水死湯以寬治民而除
其虐文王以文治武王以武功去民之灾此皆有功烈於
民者也及夫日月星辰民所瞻仰也山林川谷丘陵民所
取材用也非此族也不在祀典

禮儀部四

祭禮中

又祭義曰祭不欲數數則煩煩則不敬祭不欲疏疏則怠怠則忘是故君子合諸天道春禘秋嘗霜露既降君子履之必有悽愴之心非其寒之謂也春雨露既濡君子履之必有怵惕之心如將見之

又祭義曰文王之祭也事死者如事生祭之明日明發不寐享而致之又從而思之祭之日樂與哀半享之必樂已至必哀

又祭義曰郊之祭大報天而主日配以月夏后氏祭其闈

太平御覽

卷五百二十五

一

般人祭其陽周人祭日以朝及闇祭日以壇祭月以坎以別幽明以制上下祭日以東祭月以西以別內外以端其位日出于東月生于西陰陽長短始終相巡以致天下之和

又祭義曰祭之日入室儼然必有見乎其位周旋出戶肅然必有聞乎其容聲出戶而聽愾然必有聞乎其嘆息之聲

又祭義曰孝子將祭慮事不可以不豫比時具物不可以

不備虛中以治之

此時尤先時也虛中言不兼念別事

宮室既修墻屋既設

百物既備夫婦齋戒沐浴盛服奉承而進之洞洞乎屬屬

乎如弗勝如將失之其孝敬之心至也與

又薦其俎豆序其禮樂備其百官奉承而進之百官進之人進之

于是論其志意以其恍惚與神明交庶或享之孝子之志也

又祭統曰凡治人之道莫急于禮禮有五經莫重於祭禮有五經謂吉禮凶禮賓禮軍禮嘉禮也莫重于祭以吉禮為首務也

夫祭者非物自外至者也

自中出生於心者也心怵而奉之以禮是故惟賢者能盡

祭之義怵感念親之貌也賢者之祭也必受其福非世所謂福也

福者備也備者百順之名也無所不順者之謂備言內盡

于已而外順於道也忠臣以事其君孝子以事其親其本

一也

又祭統曰祭者所以追養繼孝也孝者畜也順于道不逆

太平御覽 卷五百二十五 二

于倫是之謂畜畜謂順於德教是故孝子之事親也有三道焉生

則養沒則葬葬畢則祭養則觀其順也喪則觀其哀也祭

則觀其敬而時也盡此三道者孝子之行也

又祭統曰夫祭有十倫焉見事鬼神之道焉見君臣之義

焉見父子之倫焉見貴賤之等焉見觀疎之殺焉見爵賞

之施焉見夫婦之別焉見政事之均焉見長幼之序焉見

天下之際焉此之謂十倫倫道義也

又祭統曰凡祭有四時春祭曰禴夏祭曰禘秋祭曰嘗冬

祭曰烝禴禘陽義也嘗烝陰義也禘者陽之盛也嘗者陰

之盛也故曰莫重于禘嘗

又祭統曰昔者周公旦有勲勞于天下周公既歿成王康

王追念周公之所以勳勞者而欲尊魯故賜之以重祭外
祭則郊社是也內祭則大嘗禘是也言此者王室所

又表記曰祭極敬不繼之以樂朝極辯不繼之以倦極九
政事也

又表記曰子曰后稷之祀易富也其辭恭其欲儉其祿及
子孫

禮稽命徵曰天子祭天地宗廟五祀六岳得其宜則五谷
豐雷雨時至四夷貢物清白黃馬黃龍翔黃雀集坤為地得

豐矣土精上為軒轅雷
雨得宜故又應時至也

周易豫象曰雷出地奮豫先王以作樂崇德殷薦之上帝
以配祖考

太平御覽 卷五百二十五 三

又云困九五曰利用祭祀祭所以 故象曰利用祭祀受

福也

又云既濟曰九五東鄰殺牛不如西鄰之禴祭實受其福

注牛祭之盛者也禴祭之薄者也
既祭之時而處之尊位物皆齊矣

又曰觀盥而不薦有孚顒若注王道之可觀者莫盛乎宗廟宗

器不足

又曰萃亨王假有廟假至也王以 象曰王假有廟至孝享

也

左傳桓公曰凡祀啟蟄而郊言凡通祀下二句天地宗廟

郊龍見而雩始穀而嘗閉蟄而烝
建亥之月昆蟲閉戶
萬物皆成可薦者衆

故烝祭

又僖公上曰五年晉人執虞公而修虞祀歸其職貢於王
虞所命也

又僖中曰初平王東遷也辛有邊伊川
辛有周大夫也見被髮而祭于野者曰不及百年此其戎乎其禮先亡矣秋晉秦遷

陸渾之戎於百川

又僖下曰夏四月四卜郊不從乃免牲非禮也猶三望亦非禮也禮不卜常祀而卜其牲日牛卜日曰牲牲成而卜郊上怠慢也望郊之細也不郊亦無望可也

又僖下曰衛成公夢康叔曰相奪予享
相夏后啓之孫居帝上子也

公命祀相甯武子曰不可鬼神非其族類不歆其祀祀鄩何事相之不享于此久矣非衛之罪也不可以間成王周

太平御覽

卷五百二十二

四

公之命祀請改祀命

又文下曰大率于太廟躋僖公逆祀也
僖公閔公庶兄不得為父子嘗為臣

位應在下今居閔上故曰逆祀於是夏父弗忌為宗伯
宗伯掌宗廟昭穆之禮也

尊僖公且明見曰吾見新鬼大故鬼小
新鬼僖公既為兄死時年又長也故

鬼閔公死時年小勿忌明言其所見也先大後小順也躋聖賢明也
言以僖公為聖賢也

明順理也君子以為失禮禮無不順祀國之大事也而逆之可謂禮乎子雖躋聖不先父食久矣故禹不先鯀湯

不先契
鯀禹父契陽十三世祖文武不先不窟
不窟后稷子也宋祖帝乙鄭

祖厲王猶上祖也仲尼曰臧文仲不智三作虛器
謂居蔡山節藻稅也

縱逆祀
聽夏父躋僖公祀爰居三不智也
海鳥曰爰居止于魯東門外文仲以為神命國

八祀

又昭二年曰鄭子產聘于晉韓宣子曰寡君寢疾今夢黃熊入寢門其何屬鬼也對曰昔堯殛鯀于羽山其神化爲黃熊以入于羽淵實爲夏郊三代祀之晉爲盟主其或未之祀乎韓宣子祀夏郊晉侯有聞

又曰晉侯問于史趙曰陳其遂亡乎對曰陳顛頊之後也舜重之以明德至胡公不淫故周之賜姓使祀虞帝臣聞盛德必百世祀虞之世數未也

公羊傳曰曷爲或言三卜或言四卜三卜禮也四卜非禮也三卜何以禮四卜何以非禮求吉之道三禱嘗不卜郊

何以卜卜郊非禮也

禮天子不卜郊

卜郊何以非禮魯郊非禮也

以魯郊非禮故卜之爾

魯郊何以非禮天子祭天諸侯祭土天子有

太平御覽

卷五百二十五

五

方望之事無所不通諸侯山川有不在其封內者則不祭也曷爲或言免牲或言免牛免牲禮也免牛非禮也免牛何以非禮傷者曰牛三望者何祭望也然則曷祭祭大

音泰

山河海曷爲祭大山河海山川有能潤於百里者天子秩而祭之觸石而出膚寸而合不崇朝而編雨乎天下者惟大山耳河海潤於千里猶者何通可以已也何以書譏不郭而望祭也

穀梁傳曰宮室不設不可以祭祭者薦其時也薦其敬也薦其義也非享味也

又僖公曰夏四月不時也四卜非禮也免牲者爲之緇衣

熏裳有司立端奉送至於南郊免牛亦然乃者亡乎人之

辭也猶者可以已之辭也

國語楚語曰屈到嗜芰有疾召其宗老而屬之到楚卿屈

也芰也宗老宗臣屬託也曰祭我必以芰及宗老將薦芰屈建命去

之建日到之子大也宗老曰夫子屬之子木曰不然祭粢有之

曰國君有牛享大夫有羊饋士有豚犬之屬庶人有魚炙

之薦不珍羞異不陳差侈夫子不以其私欲于國之典遂

不用

又楚語曰子期祀平王祭以牛俎于王子期平王子牛俎致俎于昭玉也

王問于觀射父曰祀牲何及對曰祀加于舉舉人君朔望之盛饋也

天子舉以太牢祀以會太牢羊牛豕也會亦太牢舉四方之貢也諸侯舉以特

牛祀以太牢卿舉以少牢祀以特牛大夫舉以特牲祀以

太正御覽

卷五百二十五

六

少牢特牲豕也士食魚豕祀以特牲庶人食菜祀以魚上下有

序則民不慢王曰其小大何如對曰禘郊不過藺栗蒸嘗

不過把握王曰何其小也對曰夫神以精明臨下民故求

備物不求豐大是故先王之祀也以一純二精三牲四時

五色六律七事八種九祭十日十二辰以致之純心純一也二精五

鳥也三牲牛羊豚也四時春夏秋冬也五色五采服也六律黃鐘太簇姑洗蕤賓夷則無射也七事天地人四時之

物也八種八音九祭九州之助祭也十日甲至癸也十二辰子至亥也百姓千品萬官億醜

兆民經入咳數以奉之百姓百官受民姓也子孫姓有微品十為千品五物之官陪屬萬為

官官官有十醜為一鬼天子之田九明德以昭之和聲以

聽之以告徧至明無不受休又曰天子禘郊之事必自射

其性王后必自親春其粢諸侯宗廟之事必自射其牛到

羊擊豕夫人必自春其盛况其下之人其誰敢不戰兢以事百神

春秋繁露曰大雩者何旱祭也難者曰大旱雩祭而請雨大水鳴鼓而攻社天地之所為陰陽之所起也或請焉或怒焉者何曰大旱者陽滅陰也陽滅陰者尊壓卑也固其義也雖大甚拜請之而已無敢有加也大水者陰滅陽也陰滅陽者卑勝尊也日食亦然皆下犯上以賤傷貴逆節也故鳴鼓而攻之朱絲脅之可不慎哉

又曰古者歲四祭四祭者因四時之所生熟而祭其先祖父母也故春曰祠祠者以正月始食韭也夏月杓杓者以四月食麥也秋曰嘗嘗者以七月嘗黍稷也冬曰烝烝者以太平御覽卷五百二十五 七
以十月進初稻也

論語季氏曰季氏旅于泰山子謂冉有曰汝不能救與旅今諸侯祭山川在其邦內者今陪臣祭太山非禮也對曰不能子曰嗚呼曾謂太山不如林放乎

又曰祭如在祭神如神在子曰吾不與祭如不祭
孝經云春秋祭祀以時思之鄭立注四時變易物有以熟將欲食之故禱先祖念之若

生不忘親也

爾雅曰春祭曰祠祠之言食也夏祭曰禴新菜可初秋祭曰

嘗嘗新穀也冬祭曰烝進品食也祭天曰燔柴烝祭積薪燒之祭地

曰瘞埋既祭埋藏也祭山曰瘞縣或瘞或縣置之於山川山海聖曰懸以告玉是也

祭川曰浮沉投祭水中或祭星曰布而散祭於祭風曰瘞

今世當大道中樂術云止風此其象也 是類是禡所祭也 禡出征伐類于土存焉于所正之地

既伯既禱馬祭也 伯祭馬祖也將用其力 禘大祭也 五年一祭

也釋又祭也 祭之月日尋釋復祭 周曰釋 春秋誣曰壬午曰釋 尚曰彤 音融

書曰高宗彤日夏曰復胙未見義所出也

五經異義曰夏至天子親祀方澤侍中騎都尉賈逵說曰

魯無圜丘方澤之祭者固兼用六代禮樂魯用四代其祭

天之禮亦宜損於周故二至之日不祭天地也 二至夏至冬至謂不

當祭也

又曰京易今說臣動養君其義理也必望利下弗養道厥

妖國有被髮于野祭者

又曰古尚書說非時祭天謂之類言以事類事告也肆類

太平御覽 卷五百二十五

於上帝時舜告攝非常祭

又曰古周禮說大宗伯曰凡禮大神享大鬼祭大祗率執

事而卜 大鬼謂先生也

史記曰亳人繆忌奏詞太乙方曰天神貴者太乙太乙佐

曰五帝古者天子以春秋祭太乙

又曰東南郊太牢具七日為壇開八通之鬼道於是天子

令大祝立其祠長安城東南郊常奉祀如忌方其後人上

書言古者天子三年一用太牢祠三天一地一太一天子

許之令大祝領祠之於忌太一壇上如其方後人復有上

書言古者天子常以春解祠祠黃帝用一梟破鏡 孟康曰梟鳥也

食母破鏡歌名食父皇帝欲絕其類使百物皆用之祠破

鏡而祀黃帝東郡五月五日送梟作梟樂以賜百

牛以惡爲
故食之

冥羊用羊祠馬行用一青牡馬太乙畢山山君

地長用牛武夷君用乾魚陽陽使者一年令祠官領文而
祠於忌太壇旁

漢書曰高祖沛公祠黃帝祭蚩尤于沛庭而擊鼓旗幟皆
赤

又曰高祖微時聞魏公子賢及卽位每過大梁常祀公子
高祖十二年從擊黥布還爲公子置守家歲四時奉祀公
子矣

又曰張子房從高帝過濟北果得穀城山下黃石取而葆
祠之及留侯死并塋黃石冢伏臘祠祭

又郊祠志曰文帝下詔曰有異物之神見于城紀無害於

太平御覽

卷五百二十五

九

民歲以有年朕親郊祀上帝諸神百官以無諱于朕旁有
司禮官曰故者天子夏親祠上帝于郊於是天子如幸雍
郊見五帝以夏四日答禮焉

又曰宣帝八月飲酎行祠孝昭廟先驅旄頭劍挺隋土首
挿泥中刃向乘輿車馬驚公孫賀巫之有兵謀不吉卜還
使有司侍司是時霍氏外孫代郡太守任宣坐謀反誅宣
子章爲公車丞亡在渭城界中日夜廟居卽開執戟立廟
門待上至欲爲逆發覺伏誅故事帝夜入廟其後待明而
入自此始也

又曰孔光父霸爲關內侯霸上書求奉孔子祭祀元帝下
詔曰其令師褒城君關內侯霸以所食邑戶八百祀孔子

焉

又曰初朱邑且死屬其子曰我故爲桐鄉嗇夫其吏民愛
我墓必桐鄉後世子孫奉我尙不如桐鄉民及死其子墓
之桐鄉西郭外民果共立祀歲時祠祭至今不絕

太平御覽

卷五百二十五

十



祭禮下

漢書郊祀志曰洪範入政三曰祠祀所以昭事通神明也
旁及四夷莫不備之下至禽獸豺獾有祭
應劭曰孟春獺祭魚季秋豺祭
獸是以聖王爲之典禮焉

又曰秦襄公攻戎救周列爲諸侯而居西自以爲主少昊
之神作西疇白帝其牲用騶駒黃牛羝羊各以云其后十
四年秦文公東獵汧渭之間卜居之而告文公夢蛇自天
下屬地其口止于鄜衍
李曰音奇鹿邪文公問于史淳淳曰此
上帝之徵君其祠之于是作鄜時用三牲郊祭曰白帝馬

太平御覽 卷五百二十六

自未作時而雍旁故有吳陽武時
李奇曰于旁有無易地雍東有海

時皆廢無祀或曰自古以雍州積高神明之隩故立時郊
上帝諸侯祠皆聚去蓋黃帝時常用事雖殷周亦郊焉其

語不經見摺紳者不道

又郊祀曰始皇游海上行禮祠名由大川及神八神求仙
人羨門之屬入神自古而有之或將曰太公以來作之

齊所以爲齊以天齊也
蘇林曰當爲天下之中故中央齊其禮絕莫知起

時

又郊祀志曰文帝始幸雍郊見五時祠衣皆上赤趙人新

垣平以望氣見上言長安東北有神氣成立采若人冠冕

焉或曰東北神明之舍西方神明之基也
神明曰也日出東北曰於于西

天瑞下宜立祠上帝以合符應于是作渭陽五帝廟同宇

韋昭曰字渭上同下異禮所謂復廟同室也

又曰帝一殿而五門各如其帝色祠所用及儀亦如雍五時明年夏四月文帝親拜霸渭之會以郊見渭陽五帝五帝廟臨清渭其北穿蒲地溝水灌舉火而祠若光輝然屬天焉于是貴乎至上大之賜累千金而使博士諸生刪六經中作玉制謀議巡狩封禪事文帝出長門若見五人于道百遂因直其立五帝壇祠以五牢

東觀漢記曰建武三年上幸春陵祠園廟大置酒與春陵父老故人爲樂

又曰桓譚字君山沛人章帝元和中行巡狩至沛令使者

太平御覽

卷五百二十六

二一

祠譚冢鄉里以爲榮

又曰李通上大司空印綬以特進奉朝請及有司奏請奉諸皇子帝感通首創大謀卽日封通少子雄爲邵陵侯每幸南陽常遣使以太牢祀通冢

又曰顯宗拜馬嚴持兵長史將北軍五校士羽林兵三千人屯西河美稷衛護南單於听制司馬從事牧守謁敬門之將軍敕嚴過武庫祭蚩帝親御阿閣觀其士衆時入而榮之

又曰永平中詔京兆右扶風以中牢祠蕭何霍光出郡錢穀給蕭何子孫在三百里內悉令祀祠

又曰桓帝初立黃老祠北宮濯龍中以文蜀爲壇飾金淳

銀器彩色眩曜祠用三牲大官設饌作倡樂以求福祥也
漢王德傳云章帝詔使者奉太牢致祠唐堯於陽成雲臺
袁山松後漢書曰韓卓字子助陳留人蜡日有奴竊食祭
其母卓義其心卽日免之

漢舊儀曰宗廟八月飲酎用九太牢元年祭天二年祭地
三年祭五帝于五時三一辯皇帝自行他祠不出祭天柴
壇幄幃高帝配天居屋下嚮紺幄席

又宗廟曰三年一大祫祭之子孫諸帝以昭穆坐於高祖
廟皆合食設左右坐高祖面南綉幄帳堂上西北隅曲几
黃金鉛器每太牢中分之右辯上帝左辯上后俎餘委空
積于前殿千斤名曰多俎子爲昭孫爲穆西曲屏風穆東
大平御覽 卷五百一十六 三
面皆曲几如高祖饌陳其后各配其左右其坐如祖妣之
座法

又曰原廟一歲十二祠有閏加皆太牢

又曰惟八月飲酎駕夕牲牛以繡衣之皇帝暮視牲以盥
燧取水於月以陽燧取火於日爲明水火左袒以水拔牛
右肩手執鸞刀以切牛毛血薦之而卽更衣

又曰五儀元年儒術秦施行董仲舒請雨事始令丞相以
下求雨雪曝城南舞童女禱天神五帝五年始令諸官正
雨朱繩索社擊鼓助之

又曰祭五岳祠用三正色牲十月涸凍二月解凍皆祭祝
乘傳車稱使者祭四瀆用三正色牲况注有馬祭人先於

隴西西縣人先山皆由土人山下有哇呼如種菜哇哇中
各王封祭叅辰三辰於池陽谷口夾道左右爲壇營覆地
各周三十六里

又云祭西子母于石室皆在所二千石令長奉祠漢五年
修復周室舊祀祀后稷于東南常以八月祭以太牢舞者
七十二人冠者五六三十人童子六七四十二人爲民祈
農報功

又曰聖王之法追祭天地日月星辰山川萬神皆古之人
也能天地五行氣奉成功以成人者也故其奉祀皆以人
事之禮食所也非祭祀與土地金木水火石也

又曰祭三皇五帝九皇六十四民皆古帝王凡八十一姓
太平御覽 卷五百一十六 四
也

漢末英雄記曰公孫瓚上計吏郡太守劉其以事犯法檻
車徵伯珪禱衣平憤御車到洛陽其當徒曰南伯珪具豚
米于墓上祭先舉觴綴祝曰昔爲人子今爲人臣當詣日
南日南多瘴氣共或不還與先人辭於此再拜慷慨而起
其時州里人在京師者送行見之及觀者莫不戲歎

魏志曰管寧恒著布襦袴布裙隨時單複出入閨庭能自
柱杖不須扶持四時祭祀輒自力強改加衣服著絮巾故
在遼東所有白布單衣親薦饌跪拜成禮寧少喪母不識
形像嘗時泣然流涕

又曰穢南國常用十月祭晝夜飲酒歌舞名之爲儻天

又祭虎以爲神

吳志曰赤烏年有兩烏銜鵲墮東館丙寅驃騎將軍朱據丞相燎鵲以祭

晉記曰帝配享魏太祖廟有奏諸功臣從享者更以官爲次在荀郭之上

後魏書曰胡處少孤言及父母則若孺子之號燉煌汜潛家善釀酒每節常送一壺以給祭祀也

沈約宋書曰羊立保自少至老謹于祭奠四時珍新未得祠薦者不入口

齊書曰張冲永明八年爲假節監青冀二州行刺史事冲父初卒遺命曰我必以卿土所產無用牲物冲在鎮西時

太平御覽

卷五百二十六

五

還吳國取菓菜每至嘗烝流涕薦焉

家語曰魯公索氏將祭而忘其下牲孔子聞之曰公索氏不及二年必亡矣後一年而亡

孔叢子曰元和二年春帝東巡狩還過魯幸闕里以太牢祠孔子及七十二子作六代之樂大會孔氏男子二十已上者六十三人命儒者講論

尸子曰先王之祠禮也天子祭四極諸侯祭山川大夫祭五祀士祭其親也

白虎通曰王者祭宗廟親自取禽者尊重先祖必欲自射加功力也

益都耆舊傳曰蜀郡張寬字叔文漢文帝時爲侍中從祀

甘泉至渭橋有女子浴于渭水乳長七尺上怪其異遣問
之女曰帝後第七車知我所來時寬在第七車對曰天星
主祭祀者齋戒不嚴則女星見

汝南先賢傳曰薛包歸先人家側坊中中稻以祭祀芋以
克饑飢詩曰禮玄虛無爲舉孝廉賢良方正皆不就

王歆之神境曰九嶷山旣出林過奚望見舜廟在郡山下
而挿蒔搆水際杳若靈居矣余親負勁策致祠靈堂乃躬
就齋潔泰奠其霄水月如鏡焉潤微嚮乃聞廟裏若有絃
歌者聲調如近察復緬邈此其五絃之音南風之響乎

解道虎齊記曰臨淄城南十五里天齊淵五泉並出有異
于常故廟屋以同瓦有天齊字齊人祀祀天在于此故名
太平御覽 卷五百二十六 六
云

越絕書曰越王旣得平吳春祀三江秋祀五湖因以其時
爲之立祠垂之來世傳之萬載鄰邦樂德皆來取之

吳越春秋曰夫差帥諸臣出國東祠子胥江水濱諸臣並
在夫差乃言曰寡人蒙先生之遺恩爲千乘之主惜不聽
相國之言乃用讒佞之辭至令相國遠沒江海自亡已來
濛濛感感如霧蔽日莫誰與言泣下沾衿若不自勝左右
莫不悲傷

十二州記曰昔禹治洪水旣畢乃勝橋車到鍾山祠上帝
于北河歸大功于九河也

襄陽記諸葛亮初亡所在各來爲立廟朝議不合百姓遂

因時祭之於道陌也

摯虞雜記議曰故事祀臯陶子廷尉寺祭先聖於太學也
桓子新論曰昔楚靈王驕逸輕下簡賢務鬼信巫祝之道
齋戒潔鮮以祀上帝禮羣神躬執羽紱起舞壇前吳人來
攻其國人告急而靈王鼓舞自若顧應之曰寡人方祭上
帝樂明神當家福祐焉不敢赴救而吳兵遂至浮獲其太
子及后姬甚可傷

論衡曰魯文公逆祀去者三人定公順祀叛者五人貫於
俗者謂則禮爲非曉禮者寡則知是者稀

又曰凡祭祀之義有二一曰報功二曰循先報功以勉力
循先以崇恩也

太平御覽

卷五百二十六

七

黃帝問玄女兵法曰六甲將及夫人姓名服色白其將皆
著赤幘小冠帶白綬絞夫人足皆各象其禽獸足凡欲治
致神當於帛上書諸神明名如法祭法事六曰見形六十
日一祭合諸神祭之祭法鋪長一九廣三寸白茅爲籍編
以青絲繫籍長二尺四寸廣六寸餅棗栗并脯置籍上杯
皆黑中以丹砂九兩盛米囊九枚置北斗座上中爲九星
六甲坐外四面十二坐前一杯受道者壇東北祭南向再
拜祝

軍令曰金鼓幢麾隆衡皆以立秋日祠先時一日主者請
祠其主者奉祠若出征有所尅獲還亦祠向敵祠血于鍾
鼓秋祠及有所尅獲還但祠不血鍾鼓祝文某官使主者

某敢告隆衝鍾鼓幢麾夫軍武之器者所以正不義爲民除害也謹以立秋之日潔牲稷旨酒而敬薦之

又曰常以己丑日祠牛馬先祝文曰某月己丑某甲敢告牛馬先馬者用兵之道牛者軍農之用謹潔牲黍稷旨酒敬而薦之

又曰軍行濟河主者常先白沉璧文曰某王使者某甲敢告于河賤臣某甲作亂天子使某師衆濟河征討醜類故以沉璧唯爾有神裁之

曹植求祭先王表曰臣百拜表自計遠遠以來以踰旬日垂竟夏節方到臣悲傷有念先王公夏至日終是以家俗不以夏日祭至于先王自可以今辰告祠臣雖卑鄙實稟

太平御覽

卷五百二十六

八

體於先王自臣雖貧窶蒙陛下厚賜足供太牢之具臣欲祭先王於北河之上羊猪牛臣能自辨者臣縣自有先王喜鰓臣前以表得徐州臧霸二鰓百枚足自供事請水瓜五救計先王崩來未能半歲臣實欲告敬且欲復盡哀博士鹿攸韓蓋等以爲禮公子不得稱先君公子之子不得祖諸侯謂不得廟而祭之也禮又曰庶子不得祭宗廟詔曰得月二十八日表知侯推情欲祭先王於河上覽省上下悲傷感切將欲遣禮以紓侯敬恭之意會博士鹿優等奏禮如此故寫以下開國承家顧迫禮制推侯存心與吾同之

殷允餘孺子曰惟太元六年龍集荒洛冬十月哉生魄試

守豫章太守殷君謹遣左右某甲奉清酌薌合一單羞
再拜奠故聘士豫章徐先生

周祈祭梁鴻文曰晉隆和四年十一月陳郡周穎文以薌
藻行潦祠梁先生殷闡祭王東亭文曰公以少牢之奠敬
薦東亭王侯之靈蓋聞鑒不塵精金能照

伯王祭孫叔敖文曰謹以豐修祭楚令尹孫君之靈眇眇
千載悠悠舒經理無不通事隔者形尙想清塵承風效誠
謝惠連祭古冢文曰東府掘城北塹入丈餘得古冢上無
封域不用塼瓦以木爲槨中有二棺正方兩頭無和明器
之屬材瓦銅漆有數十種刻木爲人長三尺可有二十餘
頭初聞見悉是人形以物根撥之應手灰滅棺上有五銖
太平御覽 卷五百一十一 六 九

耳

楊泉請辭曰古不基祭墓于中原而廟在大門裏不敢外
其親平明出墓日中反虞不敢一日使神無依也迨周衰
禮廢立寢於墓漢興而不改以先帝衣冠四時與水進果
實而禘祫祭祀皆于宗廟及其未因寢之在墓咸往祭焉
蓋由京師三輔酋豪大姓力强財富婦女瞻後車兩相追
宿止墓下連日厭飫遂以成俗迄以今日夫死者骨肉歸
乎土神而有靈豈肯守夫敗壞而在草莽哉

唐書曰王義方初爲太子校書魏徵張亮皆厚禮之亮誅
坐于交游貶授儋州吉安丞行至南海舟人將以酒脯致
祭義方曰黍稷非馨義在明德乃酌水而祭

太平御覽

卷五百二十六

十



太平御覽卷第五百二十六終

吳興沈宸分校

郊三

尚書召誥曰越翼日乙卯周公朝至于洛則達觀於新邑
營越三日丁巳用牲于郊牛二越翼日戊午乃社于新邑
牛一羊一豕一

周書作雒曰乃設兆于南郊祀以上帝配以后稷農星先

王皆與食

毛詩清廟曰昊天有成命二后受之成王不敢康風夜基

命宥密

昊天有成命郊祀天地也注昊天昊大也號也有成命者言周自后稷之生而已有王命也文王武

王受其業施行道德成此王功

太平御覽

卷五百二十七

一

周禮春官大宗伯曰以禋祀祀昊天上帝

禋之言烟周人尚臭烟氣之臭

聞也昊天上帝冬至祀于圓丘天皇大帝也

以實柴祀日月星辰

日月星辰也

二以燎燎祀司中司命

熹積也可中文昌宮中星也

畢星也鄭云司中司命文昌第四第五星也

又春官大宗伯曰蒼璧禮天

禮天以冬至謂天皇大帝在北極者禮神必以其數璧圓

象黃琮禮地

禮地以冬至位神在崑崙方象地也

又春官典瑞曰四珪有邸以祀天旅上帝

鄭注司農云於中央為璧

珪著其四面一玉俱成圭本著於璧珪未四出故也或說四珪有邸有四角也上帝立天也邸玄謂祀天夏正郊天

也上帝五帝所郊亦猶五帝殊言天者尊異之也

兩珪有邸以祀地旅四望

兩珪者象

地數二也謂所祀於北郊神州之神

又春官大司樂曰大司樂乃奏黃鍾歌大呂舞雲門以

祀天神天神謂五帝及日月星辰也土者各奏太簇歌應

鍾舞咸池以祭地祇地祇祭於北郊謂神雷鼗電鼓孤竹

之管雲和之琴瑟雲門之舞冬至于地上之圓丘奏之

若樂六變則天神皆降可得而禮矣此禘大祭也靈鼓靈鼓孤竹

之管空桑之琴瑟咸池之舞夏日至于澤中之方丘奏之

若樂八變則地祇皆出可得而禮矣地祇主崑崙

禮記禮運曰孔子曰魯之郊祀非禮也周公其衰矣祀之

郊也禹也宋之郊也契也是天子之事守也允祖法度子孫所常守

故天子祭天地諸侯祭社稷祝嘏莫敢易其常嘏是謂大

報

又禮運曰祭帝于郊所以定位也祀社于國所以列地利

太平御覽

卷五百二十七

二

也

又郊特性曰郊之祭也迎長日之至也大報天而主日也

兆于南郊就陽位也掃地而祭于其質也器用陶瓠以象

天地之性也於郊故謂之郊用騂尙赤也用犢貴純也赤尙

也者周

郊之用辛也周之始郊日以言日以至周郊天之月而日至陽氣新用事順

卜郊受命於祖作龜於禰宮尊祖親考之義也郊所以

明天道也萬物本乎天人本乎祖此所以配上帝也郊之

祭也大報本反始也

又明堂位曰成王封周公於魯命魯公世世祀周公以天

子之禮樂是以魯君孟春乘大輅載孤鞬旆十有二旒日

月之章祀帝於郊配以后稷天子之禮也

又大傳曰禮不用不禘王者禘其祖之所自出以其祖配之

又祭法曰有虞氏禘皇帝而郊嚳祖顓頊而宗堯夏后氏亦禘黃帝而郊絳祖顓頊而宗禹殷人禘嚳而郊冥祖契而宗湯周人亦禘嚳而郊稷祖文王而宗武王

禘郊謂祭祀也祖宗

祀食也比禘謂祭昊天于圓丘

又祭義曰郊之祭大報天而主日配以月夏后氏祭其闈殷人祭其陽周人祭日以朝及闇祭日於壇祭月於坎以別幽明以制上下祭日於東祭月於西以別內外以端其位日出於東月生於西陰陽長短終始相巡以致天下之

太平御覽

卷五百一十七

三

和以達天下之禮至及始也致鬼神也致和用也致義也致讓也

禮含文嘉曰五祀南郊北郊西郊東郊中兆正謀五者天子公侯伯子男卿大夫士所以承天也

禮記外傳曰王者冬至之日祭昊天上帝于圓丘

冬至一陽生非

人力爲之諸侯不祭天日高丈九

王肅云天雄一帝鄭玄以天有六帝

周禮云祝昊天又旅五帝是六

星辰

之位列於壇下燔牲玉於壇上又曰夏至日祭地祇于方澤配以后土立冬之日祭神州地祇於北郊配以后稷

此周

也制

左傳襄上曰三卜郊不從乃免牲孟獻子曰吾今而後知

有十筮夫郊祀后稷以祈農事是故敢齎後郊郊而後耕
今既耕而後卜郊宜其不從也

穀梁傳曰宜公郊牛之口傷之者緩辭也傷自牛作也改
卜牛死乃不郊

春秋繁露曰王者歲一祭天子郊天者百神之君王者所
最尊也

又曰春秋之義國有大喪者止宗廟之祭而不止郊祭不
止郊祭者不敢以父母之喪廢事天之禮也

孝經曰昔者周公郊祀后稷以配天宗祀文王于明堂以
配上帝

五經異議曰春秋公羊說禮郊及日皆不卜常以正日上

太平御覽

卷一百一十七

四

下也魯于天子並事變禮今成王命魯使卜從乃郊不從
卽以下天子也魯以上辛郊不敢與天子同也

又曰今尙書夏侯歐陽說類祭天名也以事類祭之奈何
天位在南方就南郊祭之是也

五經通義曰王者所以祭天地何王者父事天毋事地故
以子道事之祭日以丁與辛何丁者反覆自丁寧辛者當
自尅辛也

爾雅曰祭天曰燔柴祭地曰瘞埋

廣雅曰圓丘太壇祭天也方澤太折祭地也

漢書曰高祖入關問故秦時上帝祀何對曰四帝有白黃

青赤之祀高祖曰我知之矣待我而具五色乃立黑帝之

祠名曰黑時

又郊祀志曰遂郊雍西隴登崆峒幸甘泉令祠祀宮寬舒
苛具太乙祠壇祠壇倣亳忌太一壇壇三垓五帝壇

其下各如其方黃帝西南除八通鬼道太乙所用如雍五
時初不加醴棗脯之屬殺一牲一牛以爲俎豆牢具

又郊祀曰三年一郊秦以十月爲歲首故常以十月上宿

郊見通權

權火爨也狀若拮擗
以火其合光明祀所

拜於咸陽之旁而衣尙白

其用如經詞云

又郊祀志曰武帝立后土祠于汾陰 上立太九祠于甘
泉祭日以牛視宰衣赤祭月以羊祭宰衣白

又曰宣帝于聖成山祠日以芥祭月

太平御覽

卷五百二十七

五

又曰成帝初卽位丞相衡御史大夫譚奏言祭天于南郊
就陽之義也瘞地于北郊卽陰之象也天之於天子也因
其所都而各嚮焉昔者周公文武于鄆成王郊于雒鄆成
王郊於雒邑由此觀之天之天隨王者所居而享之可見
也甘泉泰畤河東后土之祠宜可徙置長安合於古帝王
續漢書祭祀志曰建武元年光武卽帝位于鎬爲壇營于
鄆之陽祭告天地採用元始中郊祭事二年正月初制郊
兆于洛陽城南七里依鄆採元始中故事爲圓壇入陸中
又爲皇壇天地位其上皆南向

又祭祀志曰地郊在雒陽城北四里爲方壇四階二年初
別祠地祇位南面西上高皇后配西面北上皆在壇上地

理羣臣從食皆在壇下

東觀漢記曰上都雒陽制兆于南城七里北郊四里行夏之時時以平旦服色犧牲尚黑名火德之運常服黻熾尚赤四時隨色季夏黃色議者曰昔周公郊祀后稷以配天宗祀文王以配上帝圖識著伊堯赤帝之子俱與后稷並受命而爲王漢劉祖令宜郊祀帝堯以配天宗祀高祖以配上帝有司奏議曰追跡先代無郊其五運之祖者故禹不郊黃帝周不郊帝譽漢雖唐之苗裔堯以歷數命舜高祖赤龍火德承運而起當以高祖配堯之後元復于漢宜以修奉濟陽城陽縣堯帝之冢雲臺致敬祭祀之禮宜亦如之

太平御覽

卷五百二十七

六

又曰光武中元年起明堂璧雍靈臺及北郊

後漢書曰丹陽方聰儲明善天文爲洛陽令章帝欲出南郊儲上言當有疾風暴雨乘輿不可以出帝疑其妄令儲飲醢而死果如儲言洛陽晝暝

後漢書曰光武嘗問鄭與郊祀事曰吾欲以讖斷之與對曰臣不爲讖帝怒曰卿之不爲非讖之邪與惶恐曰臣于書有所未學而無所非也帝意乃解

漢儀曰漢制天地以下羣臣所祭凡一千五百四十新益爲萬五千四十漢法三歲一祭天子雲陽宮甘泉壇以冬至日祭天神下三歲一祭地於河陽汾陰后土天官以夏

至日祭地地神出五帝祭於雍五時

又曰祭天用六采綺席六重長一大中有幅四周緣之玉飾器凡器七千三百物備具養牛五歲至三千斤

又曰皇帝祭天居雲陽宮齋百日上甘泉通天臺高三千丈以候天神之下見如流火舞女童三百人皆年八歲天神下壇所舉烽火皇帝就行宮中不至壇所甘泉臺去長安三百里望見長安城皇帝所以不祭天之圓丘也

又曰祭地河東汾陰后土宮宮曲人河古之祭地澤中方丘也禮義如祭天名曰汾葵一名葵丘也

宋書禮志曰魏文帝黃初二年正月郊祀天地明堂是時魏都洛京而神祇兆域明堂靈臺皆因漢舊事四年帝將東巡以大軍常出使太常一以特牛告祠南郊自後以爲

大正御覽

卷五百一十七

七

常

又禮志曰太和元年正月郊祠武皇帝以配天宗祠文皇帝于明堂以配上帝見時二漢郊禋之制具存魏所損益可知也

又禮志曰魏景初元年始營洛陽南悉粟山爲圓丘詔曰昔漢氏之初承秦滅學之後採摭殘缺以備郊祀白甘泉后土雍宮五時神祇兆位多不輕見並以興廢無常以彼至此四百餘年無廢禘禮古代之所更立者遂有缺焉曹氏世系出自有虞氏今祭圓丘以始祖帝舜配地以舜妃伊氏配天郊所祀曰皇天之神以太祖武皇帝配常郊所祭曰皇地之祇以武宣皇后配宗祀以皇考高祖文皇帝

于明堂以配上帝

江表傳曰羣臣以孫權未郊祀奏議曰頃者嘉瑞屢臻遠國慕義宜備郊祀以承天意權曰郊祀當于中土今非其所于何施此重奏曰普天之下莫非王土王者以天下爲家周文武郊鄴鄙非不中土權曰武王伐紂卽作鄴京而郊其所也文王未爲天子立郊于鄴見何經又奏曰伏見漢書郊祀志匡衡奏徙甘泉河東郊于長安言文王郊於鄴權曰文王德性謙讓處諸侯之位未敢郊也經傳無名文匡衡俗儒臆說非典籍正義不可用

志林曰吳主糾駁郊祀之奏追貶匡衡謂之俗儒凡在見者莫不慨然以爲妙盡其理達於事宜至于稽之典籍乃太平御覽

卷五十二十七

八

更不通毛氏之說云堯見天因以郤而生后稷故國之于郤命使事天

詩曰后稷肇祀庶無罪悔以迄于今言自后稷以來皆得祭天猶魯人郊祀事是以械柞之作有積燎之薪文王郊鄴經有明文匡衡豈俗而誑之哉文王雖未爲天子然三分天下有二西伯戡黎祖伊奔告天既弃殷乃眷西顧太伯三讓以有天下文王爲王于義何疑然則匡衡之奏有所未盡按世宗立甘泉汾陽之祠皆出方氏之言非據經典者也方以甘泉汾陰黃帝祭天地之處故孝武因之

遂立二時漢治長安而甘泉在此謂就乾位而衡公武帝居甘泉祭於南宮此記誤矣祭地汾陽在水之間平爲澤

中而衡云東方之少陽矣

晉起居志曰武帝太始元年十二月太常諸葛緒上言知
士祭酒劉喜寺議帝王各尊其祖所自出大晉禮天郊當
以宣皇帝配地郊宣皇后配明堂以景皇帝配文皇帝配
博士宣兆議禮王者郊天以其祖配周公后稷配天子南
郊以文皇帝配五精上帝于明堂經典無配地文魏以先
妃配不合禮制周配祭不及武王禮制有斷合晉郊天宜
以宣皇帝配明堂宜以文皇帝配有司奏大晉初建庶事
未定且如魏詔郊祀大事速議爲定

晉書禮志曰晉太始二年詔羣臣議五帝卽天也王氣時
異故殊其號雖名有五其實一神明堂南郊宜除五帝之
太平御覽 卷五百二十七 九

坐五郊改五之號同昊天上帝各設一坐而已

又禮志曰康帝建元元年正月將地郊有疑議太常顧和
表北郊之月古無明文漢光武正月辛未始建北郊則興
南郊同月和中北郊同共正月周禮三王之郊一用夏正
於是從和議是月辛未南郊辛巳北郊帝皆親奉

宋書禮志曰晉孝武帝詔曰郊祀國之大事而稽古之制
闕然便可詳議祠部郎徐邈議圓丘郊祀經典無二宣皇
帝嘗辨斯義而檢聖典爰及中興備加研極以是南北二
郊誠非異學所可輕改也仍舊爲安

晉起居注曰明帝大寧三年上親祀七月又詔自中興以
來雖南郊未嘗北郊五岳四瀆名山大川應望秩者廢而

未舉居其官者舉其職司其事而令一代之典闕而不備
主者詳依舊處

又曰安帝元興三年十二月明年應郊乘與夫反博訪內
外左丞納之議者謂應郊故承制中事納之謂大亨大祀
大樂皆是承制不可得命三公行者郊天極尊唯一而已
故非天子不祀也又按武皇受禪受命用二月郊元年中
興亦以二月郊今郊時未過日望鸞駕無爲欲速而據皇
輿旋反更不得親不如緩而盡美於是異伺難明遂從納
之義

宋書禮志曰晉太始二年十一月有司又議古者上郊不
異宜并圓丘方丘于南北郊更修治壇兆其二至之祀合
太平御覽 卷五百二十七 十
于二郊帝又從之一如宣帝所用王肅議也是月庚寅冬
至帝親祀圓丘于南自後圓丘方澤不別立

又曰孫權始都武昌及建業不立郊兆至末太元元年十
一月祭南郊其地今秣陵縣南十餘里郊中是也晉氏南
遷立南郊于巳地非禮所謂陽位之義也宋武大明三年
尙書右丞徐爰議郊祀之位遠古蔑聞禮記燔柴于太壇
祭天也兆于南郊就陽位也漢初甘泉河東禋埋易在終
亦徙于長安南北光武紹祚定二郊洛陽南北晉氏過江
悉在北及郊兆之議紛然不一又南出道狹未議開闢遂
于東南巳地創立巨壇皇宋受命因而弗改且居民之中
非一外之謂今聖圖重造舊章畢南驛開塗陽路修遠謂

宜移郊正午以定天位博士司馬興之傳郁太常丞陸澄並同爰議乃移郊兆於秣陵牛頭山西正在宮之午地也傳玄正都賦曰建平禋祀祈福上帝天子乃反古服襲大裘紆紐五綵平冕垂旒質文彬彬帝容孔孔修列大駕于郊軫升入通之靈垓執鎮珪而進蒼璧思致美乎上乾爾乃太簇爲徵圓鍾爲宮吹孤竹而拊雲和修軒轅之遺風類于圓丘六變既終則天神斯降可得而禮矣

司馬相如封禪書曰濯濯之麟游彼靈時孟冬十月乃徂郊祀馳我君車帝以享社

郭璞上疏曰臣歲首龜右所占得解之既濟案解卦繇云君子以赦過宥罪既濟云思患而預防之郊祀者以通天

太平御覽

卷五百二十七

十一

人之誠感因農祥而祈事上乃致敬於黃靈下以播惠於萌黎者也臣愚以爲於卦之義既郊之後宜發哀矜之詔引在子之責蕩除瑕釁贊陽布惠使幽弊之民應養生以悅育否滯之氣而舒散此亦寄時事以制用籍開塞而曲成者也

禮儀部七

迎氣

禘祫

六宗

禮記月令曰孟春立春之日天子親率三公九卿大夫迎

春于東郊

蔡邕章句曰迎春者禮昊天勾芒之神也于東郊就其位也邑外爲郊去邑八里內因木數也

周禮建國之神位迎五帝於四郊以蒼珪禮東方以赤幣禮南方以白琥禮西方以立圭禮北方皆有牲幣各放其

方之色樂奏太簇歌青陽冕執干戚舞雲翹育命所以尊收時和也

夏者氣炎帝祝融神也于南郊七里因火數也玉用赤牲幣各依其色樂奏中宮歌朱明其他皆如孟春也

孟秋迎秋於西郊

章句曰迎秋者禮少昊濞收神也于西郊九里因金數也玉用白琥牲幣各依其色樂奏夷則歌白

戴其他如孟夏之禮

孟冬迎冬於北郊

章句曰迎冬者禮顓頊玄冥之神也于北郊六里因水數也玉用立牲幣各依其色樂奏應鍾歌玄英其他如孟秋禮

太平御覽

卷五百二十八

一

續漢書禮儀志曰立春之日百官皆衣青迎氣青郊郡縣

皆青服幘立幡施土牛耕人於門外以示兆民立夏之日

百官皆衣赤迎氣赤郊立秋之日百官皆衣白迎氣白郊

立冬之日百官皆衣皂迎氣黑郊

又祭祀志曰縣邑以立春之日皆青幡青幘迎春於郭外

合一童男帽青巾衣先在郭外迎春者至自野中出迎者

拜之而還

皇覽禮云天子迎四節日天子迎春夏秋冬之樂又順天

道是故距冬至日四十六日則天子迎春於東堂距邦八

里堂高八尺堂階八等青稅八乘旂旒尙青田車載矛號

曰助天生之以用順之以羽以迎春之樂也自春分數四

十六日則天子迎夏於南堂距邦七里高堂七堂階尺七等青稅七乘旂旒尙赤田車載弓號曰助天養倡之以徵舞之鼓鞀此迎夏之樂自夏至四十六日則天子迎秋於西堂距邦九里堂高九尺堂階九等白稅九乘旂旒尙白田車載戟號曰助天收倡之以商舞之以干此迎秋之樂也自秋分數四十六日則天子迎冬於北堂距邦六里堂高六尺堂階六等黑稅六乘旂旒尙黑田車載甲號曰助天誅倡之以羽舞之以籥此迎冬之樂也所以迎四時樂養九志于西堂冬養九勝于北堂養後三日而止天子行殺必順天道

宋書禮志曰漢明帝據月令有五郊迎氣服色之禮因採
太平御覽

卷五百二十八

二一

元始中故事兆五郊于洛陽祭其帝與神車服各順方色魏晉依之江左以來未遑修建

禘祫

毛詩臣工雝曰雝禘太祖也

禘大祭也

有來雝雝至止肅肅相

維辟公天子穆穆

又商頌曰長發大禘也濬哲維商長發其祥洪水芒芒禹敷下土方外大國是疆幅鄖既長

禮記曾子問曰當七廟五廟無虛主虛主唯天子崩諸侯薨與去其國與祫祭於太祖爲無主耳

禮記大傳曰禮不王不禘王者禘其祖之所自出以其祖

配之

周禮大宗伯之職曰以四獻裸享先王以饋食享先王以祠春享先王以禴夏享先王以嘗秋享先王以烝冬享先王

宗廟之祭有此六享四獻裸享食四時之名

禮稽命曜曰三年一禘五年一禘以衣服想見其容色三日齋思親志意相見所好意喜然後入廟

左傳昭四十五年曰春將禘於武公戒百官梓慎曰禘之日其有小名乎吾見赤黑之祲非祭祥也喪氣也

祲祲在氣也

其蒞事乎

公羊傳文上曰禘者何也合祭也其合祭奈何合毀廟之主陳乎太祖未毀廟之主皆升合食於太祖耳爾雅曰禘大祭也

太平御覽

卷五百二十八

三二

白虎通曰祭宗廟所以禘祫何尊人君貴功德廣孝道位尊德盛所及彌遠

五經異議曰今春秋公羊說祀宗廟筮而不卜傳曰禘祫不卜

又曰謹按叔孫通宗廟有月祭之禮知古而然也三歲一禘此周禮也五歲一祀疑先王之禮也

又云古春秋左氏說古者先王日祭於祖考月薦於曾高將享及二祫歲禱於壇禘及郊宗石室

五經通義曰王者諸侯所以三年以禘五年以禘何三年一閏天道小備故三年一禘皆取未遷廟主合食太祖廟中五歲再閏天道大備故五歲一禘禘者禘也取已遷

廟主合食太祖廟中

禮記外傳曰禘祫謂之殷祭祫大而禘小春秋之經有禘而無祫毀廟無時祭但五年有二殷祭耳神主入廟先爲

一禘明年春禘而又祫

經云有事於其廟卽是禘也國之大事時云有事

漢書曰元始五年春正月祫祭明堂諸侯王公二十八人列侯百二十人宗室子九百餘人助祭禮畢皆益戶賜爵及金帛增秩補吏各有差

又劉歆曰春秋傳曰日祭月祀時享歲貢終王祖禴則日祭會高則月祀二禘則時享壇墀則歲貢大禘則終主禴遠彌尊故禘爲重矣

續漢書祭祀志曰建武二十六年詔問張純禘祫之禮奏

太平御覽

卷五百二十八

四

三年一祫五年一禘禘之言諦諦昭穆尊卑之義以夏四月陽氣在上陰氣在下故尊卑之正義祫以冬十月五穀成熟故骨肉合聚飲食

漢雜事曰元帝時匡衡貢禹以經義毀先帝親盡之廟高帝爲太祖孝文爲太學宗孝武爲世宗孝宣爲中宗祖宗廟皆世世奉祀其餘惠景以下皆毀五年而再殷祭猶古之禘祫

王隱晉書曰太康中太廟成遷神主於新廟上師百官奉迎於道左遂親禘祫

後魏書曰世宗景明二年夏六月秘書丞孫思蔚上言古之祭法時祫並行天子先祫後時諸侯先時後祫此施當

世在今則煩且禮有升降事有節文適時之制聖人弗違當夏之月減時祭以從要省制可十一月壬寅改築圓丘於伊之陽乙卯仍有事焉

宋書禮志曰凡禘祫大祭則神王悉出廟堂爲昭穆以安坐不復停室也

又曰博士徐道娛上議曰太廟烝嘗儀皇帝曰行事畢出便坐三公已上獻太祝送於門然後至尊還拜百官引贊拜乃退謹尋清廟之道所以肅安神也禮曰廟者遂也神靈所憑依也事亡如存若恆在也

又禮志曰博士江邃議在始不明門在廟也卒事而送節孝思也若不送而辭是舍親也亂而後送是違神也故孝子不忍違其親又不忍違其神是以祝史告神以成烝嘗之大義

太平御覽

卷五百二十八

五

又禮志曰禘祫之禮三年一五年再公羊所謂五年再殷祭也在四時之間周禮所謂凡四時之間禮也蓋歷與節月無定天子諸侯先後弗同禮天子祫嘗諸侯烝祫有田則祭無田則薦鄭註天子先祫後祭諸侯先時祭然後祫有祭則祭無祭則薦祭以首時荐以仲日然則大祭四祀其月各畢天子則以孟月殷仲月烝諸侯則以孟月嘗仲月祫也

齊書禮志曰右僕王儉議按禮記王制天子先祫後時祭諸侯先時祭後祫春秋魯僖二年祫明年春禘自此以五

年再殷

禮緯稽命徵曰三年一禘五年一禘經紀所論禘祫與時祭其言鮮矣

唐書曰元和中太常上言按禮祭不欲數太廟禘祫祭禮重于時享與禘同月卽其月但行禘祫祭不行時享蓋不欲煩是禮先重者今時享重于朔望薦食稽求禮情參酌輕重請每時至及蜡但行享禮其月朔望薦食請停知告廟日與朔望薦食日同請先行告禮然後薦食

六宗

尙書舜典曰禋於六宗

六宗謂星月司中司命風師雨師也

尙書大傳曰萬物非天不生非地不載非春不動非夏不

太平御覽

卷五百二十八

六

長非秋不收非冬不藏故書禋於六宗此之謂也

五經異義曰今尙書歐陽夏侯說六宗者上不及天下不及地旁不及四方居中恍惚無有神助陰陽變化有益於人郊天并祭之

又曰古尙書說六宗者天地屬神之尊者謂天宗三地宗三天宗日月北辰也地宗岱山河海也日月爲陰陽宗北辰爲星宗岱山爲山宗河海爲水宗祀天則天文從祀地則地理從也

續漢書祭祀志曰安帝以尙書歐陽家說云六宗者在天四方之中爲上下四方之宗以元始故書謂六宗亦六子之氣日月雷風山澤者爲非三月更立六宗祠于洛陽西

北地禮北太社

東觀漢記曰光武卽帝位燔燎告天禋于六宗孝節別傳曰節侍祠南郊不見六宗祠奏曰按尙書曰類于上帝禋於六宗漢興於甘泉汾陽祭天地亦禋六宗至孝成時匡衡奏立北郊復祠六宗至建武都洛陽制郊祀不道祭六宗由是廢不血食今宜復舊上從公議由是遂祭六宗張純六宗表曰臣竊以十一家凡有六統而所據各異考之經禮大義不通臣謂禋於六宗祀祖考所尊者六宗則三昭三穆也

魏書曰明帝問王肅六宗凡幾對曰坎爲水離爲火震爲雷巽爲風艮爲山兌爲澤此乾坤六子也

